

石

匱

書

石匱書第二十八卷

明 劔南張 岱著

百官志總論

古帝王之控馭天下必得天下之大勢而統領總轄
之又必得天下之要害而條分縷析之故設官分職
如著棋者之布子如列陣者之壘石蓋目無金牛方
可解牛胸有成竹方可畫竹如我 高皇帝之神武
天縱更加以劉基之明敏李善長之精詳徐達之周

密常遇春之剴斷宋濂陶安朱升樂鳳韶之攷寃故
其建官準法虞周雖專領兼析固有不同而規模品
式大抵相為損益故權殺於漢而董正之綱維自定
員省於唐而職任之貫理甚周祿涼於宋而蜀復之
恩禮愈厚卽有驕陵旋麗陳果豈無冗贅亦復汰除
矧文武夾維内外交應協恭互發則指臂相隨輒斷
獨行則齟齬不遂洪謨曲中可謂博大精微矣故特表
其爵號官品階勲祿凡七等而著其沿革職守附以

累朝典議則知我 高皇帝之初業垂統真足以楷
模百世而無柰官之不得其人人之不勝其任則綫
索一斷提挈為之不靈根本一殘枝葉為之立稿駕
御無力則舟車因為虛具操縱無手則琴瑟總為空
張及至後世革一官不覺其一官之少添一官亦不
見其一官之多衙門雖設職任皆非蓋徒得我 高
皇帝析圭擔爵之虛文而全失我 高皇帝勵精圖
治之實意也厥後盜賊蜂起屏翰無術以更張塞責

者則請添設經畧督撫諸官及流寇殘破之後其所
添設之官不知凡幾而一地兩官推委卸擔則其債
事也較前尤覺更甚譬如僦載者為軸之折也有如
轅軸其上以為造不知軸轅者之趣軸折也楚王之
佩玦而逐兎為走而破其玦也因佩兩玦以為之豫
兩玦相觸破乃愈疾亂國之法有似於此如使添設
之官果不可少則高皇帝當日籌畫之工豈有失
着曹參之對漢文帝也有曰陛下自察聖武孰與高

高帝觀臣能孰與蕭何賢乃不自審而遂欲更變我
高皇帝之法今則亦多見其不知量也為作百官志
攷

百官表

爵

號

官

品

階

勳

祿

公

侯

伯

開國輔運推	誠宣力功臣	開國輔運推	誠守正文臣	奉天靖難推	誠宣力功臣	奉天靖難推	誠守正文臣	奉天靖難推	誠宣力功臣	奉天靖難推	誠守正文臣
-------	-------	-------	-------	-------	-------	-------	-------	-------	-------	-------	-------

歲支	米多	五千	石少	七百	石
----	----	----	----	----	---

太師

太傅

太保

宗人令

左右宗正

左右宗人

左右都督

正一

初授

特進

榮祿

大夫

陞授

特進

光祿

大夫

左柱國

右柱國

月支

米八

十七

石

都督同知	太子太保	太子太傅	太子太師	少保	少傅	少師
			從一			
大夫	光祿	陞授		大夫	榮祿	初授
			柱國			
			四十			
			七十			

太子少師	太子少傅	太子少保	尚書	都御史	都督僉事	正留守	都指揮使	襲封衍聖公	真人
------	------	------	----	-----	------	-----	------	-------	----

正二

初授 資善 大夫 陞授 資政 大夫 加授 資德 大夫 初授 驃騎 將軍 陞授 金吾 將軍 加授 龍虎 將軍

上護軍

正治卿

衍聖公 真無 人祿 勲

一石

六十

	都指揮同知		布政使	
從二				
將軍	加國授	將軍	定國授	將軍
護軍		正治卿		
八石		四十		

僉都御史

通政

大理少卿

太常少卿

太僕少卿

少詹事

鴻臚卿

京府丞

按察副使

行太僕少卿

苑馬少卿

知府

衛指揮僉事

宣慰同知

正四

初授	中順	大順	陞授	中憲	大憲	加授	中議	大議	初授	明威	將威	陞授	宣威	將威	加授	廣威	將軍
----	----	----	----	----	----	----	----	----	----	----	----	----	----	----	----	----	----

贊治尹

上騎

都尉

二十

四十

國子祭酒

布政司叅議

鹽運司同知

宣慰司副使

宣撫司宣撫

從四

初授 朝列 大夫 陸授 朝議 大夫 加授 朝請 大夫 初授 宣武 將軍 陸授 顯武 將軍 加授 信武 將軍 將軍

贊治

少尹

中騎

都尉

石

二十

宣撫司同知	儀衛正 正千戶	府同知 王府長史	正 按察司僉事	府經歷 上林苑監	京府治中 宗人	天監正 太醫院使	少卿 部郎中 欽	尚寶司卿 光祿寺	參議 大理寺丞	學士庶子 通政司	坊大學士 翰林院	學士 文淵閣東閣春	華蓋護身武英殿大
-------	---------	----------	---------	----------	---------	----------	----------	----------	---------	----------	----------	-----------	----------

正五

將軍	武節	陞授	將軍	武德	初授	大夫	奉政	陞授	大夫	奉議	初授
			驍騎尉				庶尹		修正		

六十

大理寺正 詹事丞	中允 侍講侍讀司	業 太常寺丞 尚寶	司丞 太僕寺行太僕	寺丞 主事 太醫院	判 都察院經歷 京	知縣 府通判 上林	苑監副 欽天監副	五官正 兵馬指揮	留守司都司經歷 斷	事百戶 典仗 審	理正 神樂觀提點	長官 副招討 宣撫	僉事 安撫同知 善	世正一
----------	----------	-----------	-----------	-----------	-----------	-----------	----------	----------	-----------	----------	----------	-----------	-----------	-----

正六

校尉	承信	陞授	校尉	昭信	初授	郎	承德	陞授	郎	承直	初授
----	----	----	----	----	----	---	----	----	---	----	----

雲騎尉

勲官僧
祿無道

十石

贊善司直郎

修撰光祿寺丞

署正鴻臚寺

丞大理寺副

京府推官布政

司經歷理問

鹽運司判官州

同知鹽課同提

舉市舶河渠副

提舉安撫副使

從六

儒初

授承

務郎

陞授

儒林

郎

吏宣

德郎

八石

都給事中	監察御史	編修	大理評事	行人司正	五府都察院都事	通政司經歷	太常博士	典簿	兵馬副指揮	營繕所正	京縣丞	府推官	知縣	按察司經歷	留守司都司	都事	副斷事	審理副	安撫僉事	蠻夷	長官
------	------	----	------	------	---------	-------	------	----	-------	------	-----	-----	----	-------	-------	----	-----	-----	------	----	----

從七

郎	徵仕	陞授	郎	從仕	初授
---	----	----	---	----	----

七石

翰林檢討 左右給事中 給事中 中書舍人 行人司副 光祿典簿 署丞 詹事太僕主簿 京府經歷 靈臺郎 祠祭署奉祀 州判官 鹽課司副 提舉 布政司都事 副理州 衛監運 司宣慰招討司經歷 蠻夷副長官

從七

初授 從仕郎 陞授 徵仕郎

七石

國子監丞 五經博士

行人 部照磨通

政司知事 京主簿

欽天監主簿 保章正

御醫 協律郎 典牧

所提領 營繕所副

大通關寶鈔龍江司提

舉 衛知事 府經歷

縣丞 煎監同提舉

按察知事 宣慰都

事 王府典簿 奉祀良

醫 典膳正 紀善 講經主

監 元符崇真宮靈官

正八

初授 郎 功

陞授 郎 修職

六石

六斗

清紀郎翰林典藉

國子助教典簿

光祿錄事監事

鴻臚主簿京府

運司知事 筆壺正

祠祭署祀丞 布

政司昭磨 王府典

膳奉祀典至良盛副

宣慰司經歷
示

樂觀知觀崇真宮

副靈官 左右賢義

玄義

從八

初授

迪功

佐郎

陞授

修職

佐郎

六石

校書侍書國子學正

部檢校鴻臚署丞

五官監候司歷營繕

所丞典牧所會同館文

思院承運寶鈔廣運廣

積贖罰十字庫顧料皮

作鞍轡寶源局織染所

京府織染局大使龍

江寶鈔副提舉府知

事縣主簿長史司

主簿典儀正典樂收監

正祭馬大使贊礼郎奉

饗室慰安撫知事

正九

初授
將仕郎

陞授
登仕郎

五石

五斗

侍諂司諫通事令八正字	唐書府錄事司務學錄典	籍謫營序司展滿刻博	吉司牧大使牧監副團長	太醫院提舉司監課司	州所吏目軍儲御馬都督	府門倉庫器局大使承運	寶鈔廣運務賦司主事	制使典牧所會同館史院	副使廣益太倉銀太僕寺	京府庫都稅金課柴炭	司大使頗料皮作鞍轡
------------	------------	-----------	------------	-----------	------------	------------	-----------	------------	------------	-----------	-----------

從

初授將仕佐郎

五

寶源局織染所京府織

九

染副使草場大使孔顏

孟千孫教授按察司檢

校府宣撫司照磨典儀

副教授伴讀都司運

司府京衛宣撫司學

教授司庫司府倉雜進

織染局稅課司大使司

獄巡檢茶馬副使正街

正科都綱都紀太常司

樂教坊韶舞司樂

陞授登仕佐郎

石

孔目國子掌簿學正教諭
訓導兵馬節事長官司吏
目司程司牧節使府檢校縣
典史重器局典史司別使
運所大使驛水河泊所備勘
官關大使牧監錄事郡牧
提控案牘都督府御馬軍
衛門舍副使廣文庫都
課都稅稅課司別使茶鹽
課司司府州縣衛所倉場
大使副監運司府衛提
舉司所州縣學大副使

未入

三

司府州軍器織染雜造所流

副使茶運批驗所巾帽針工

局慶遠裕民司大副使司

庫副使宣懷倉司竹鐵冶

河州遠陽青州府樂安稅

課司大使鹽倉稅課批驗印

鈔鑄印抽分竹林惠民金

銀場惠民所水銀硃砂場

局茶藥庫長吏司倉庫大

副使縣雜造局副使並術

典科訓術訓科副都綱

都紀僧正道正僧會道會

百官志

宗人府洪武三年置大宗正院正一品二十二年改為宗人府以秦王為宗人令晉王燕王左右宗正周王楚王左右宗人已而勲戚大臣攝府事不備官

宗人府宗人令一人左右宗正各一人左右宗人各一人吏三人其屬經歷司經歷一人

宗人令掌皇九族六親之屬籍以時修其玉牒書宗室子女適庶名封生卒婚嫁謚葬凡宗室陳請為開

上達材能錄罪過左右宗正宗人為之貳經歷典出
納文移

三公府正一品府罷而李善長徐達以丞相兼太師
太傅常遇春以上公贈太保三孤無兼領者文皇帝
罷公孤官仁宗復設

太師太傅太保曰三公少師少傅少保曰三孤侍上
左右備顧問咨機務無定員無專授為勳戚文武大
臣兼官加官贈官文官惟贈得三公嘉靖初楊廷和

一品十二年加太傅辭不受

中書省正一品初設左右相國洪武元年改左右丞相各一人左右丞各一人叅知政事二人總領衆職分錢糧禮儀刑名營造四部其屬左右司郎中各一人員外郎各一人都事各一人中書舍人二十人是一年始置吏戶禮兵刑工六部正三品設尚書侍郎郎中員外郎主事統於中書省以滕毅楊士義錢用壬陳寬周頤單安仁為六部尚書入見奉天殿諭曰朕

肇基江左軍務方殷官制未脩今以卿等分任六部
國家之事總之中書分理六部至為要職凡諸政務
宜竭心為朕經理或有乖繆患及天下不可不慎五
年定六部職掌歲終考績以行黜陟九年增戶部為
五科刑部四科工部四科設尚書一人侍郎一人郎
中二人員外郎二人主事五人十一年禁六部奏事
不得關白中書省十三年誅右丞相胡惟庸詔嚴中
書省存中書舍人

直文淵閣卽所謂入內閣辦事也先是洪武十五年
冬始仿宋制置殿閣學士吏部尚書邵質華蓋殿翰
林學士宋訥文淵閣檢討吳伯宗武英殿典籍吳沉
東閣並爲大學士是年召耆儒鮑恂張長年俞詮至
命爲文華殿大學士三人辭不就時特侍左右備
顧問未典機務建文四年七月成祖簡用翰林待詔
解縉編修黃淮尋又用修撰胡靖編修楊榮楊士奇
檢討胡儼金幼孜七八人入內閣名直文淵閣預機務

永樂五年十一月上諭吏部廣等侍朕日久繼今考
滿勿改外任廣即請也仁宗又設謹身殿大學士於
是大學士有華蓋謹身武英三殿及文淵東閣皆在
內閣曰辦事避丞相名若東閣文淵閣大學士不得
肯入內閣亦不得預機務也嘉靖壬戌九月新建三
殿成詔改奉天殿為皇極殿華蓋殿為中極殿謹身
殿為建極殿始有建極殿大學士

直文淵閣翰林院檢討編修修撰侍講侍讀講讀學

士學士詹事府左右春坊司經局官官不得過五品
或九卿正亞兼翰林學士東閣文淵閣武英謹身華
蓋殿大學士已而加官至領東宮公孤帝三孤者或
止一二人多或至六七八宣德初張瑄陳山始以侍
郎入內閣未幾以干請諸司出瑄為南京禮部尚書
山教小內使書景泰中王文始以宮保尚書入內閣
西東楊最久皆不得領吏部尚書領吏部尚書亦自
文始其屬制勅房誥勅房皆以中書舍人諸司寺或

卿貳充之官至太常卿止卽有年勞加俸不得帶九卿堂上執政官嘉靖中張璠始以白衣善書歷陞侍郎

直文淵閣入內閣預機務出納帝命奉陳規誨獻告謨猷點檢題奏擬議批荅以備顧問平庶政不得專制九卿事九卿奏事亦不得相關白凡上所下一曰詔二曰詰三曰制四曰勅五曰冊文六曰諭七曰書八曰符九曰令十曰檄皆審署申覆而調劑焉平允

乃行之凡下所上一曰題二曰奏啓三曰表箋四曰講章五曰書狀六曰文冊七曰揭帖八曰制對九曰露布十曰譯皆審署申覆而修畫焉平允乃行之凡經筵知經筵事或同知看定其講章日講亦如之凡東宮出閣講讀領其事叙其官而授之職業凡修實錄史志諸書充總裁官實錄成呈上焚其草禁中凡宗室請名請封及諸臣請謚並擬上焉凡圖書繕寫讎校皆課而察之凡郊祀巡狩親行扈行凡累朝御

文寶錄寶訓玉牒之副古今書皆籍而藏之凡會勅
稽其由狀而敘述上請爲凡禮部會試廷試貢士國
子生月課歲貢生廷試夷館譯生皆總領之制勅房
書辦制勅詔旨誥命冊表寶文玉牒講章碑額題奏
揭帖凡應機密文書及王府勅符底簿誥勅房書辦
文官誥勅番譯勅書并夷書揭帖紀功勘合皆稽按
典故起草進畫若漏洩稽緩遺失妄誤皆有罰六部
初屬中書省洪武十三年罷中書省陞六部正二品

設官一百五十八分領中書之政二十三年遷戶部尚書楊靖刑部兵部尚書沈潛工部刑部尚書趙勉戶部工部尚書秦達兵部著令自今官三年皆遷調未幾潛復兵部達復工部二十八年上坐奉天門勅文武羣臣自古三公論道六卿分職自秦始置丞相而亡漢唐宋因之雖有賢相然多小人專權亂政我朝罷相設五府六部都察院通政司大理寺分理天下庶務彼此頡頏不敢相壓事皆朝廷總之所以穩當

以後嗣君並不許立丞相臣下敢有奏請設立者文武羣臣即時劾奏處以重刑建文陞六部尚書正一品設侍中一人位侍郎上或祖復正二品革侍中永樂元年正月以北平為北京二月置北京行部尚書二人侍郎四人其屬六曹清吏司吏禮兵工曹郎中員外郎主事各一人戶刑曹各二人以戶部尚書掌北平布政司事郭資刑部尚書掌保定府事維僉為北京行部尚書既遷都罷北京行部及六曹清吏司

分置行在六部十八年定都除行在字在應天者加
南京字洪熙元年復稱行在正統六年復除行在字
諸司亦如之初六部之屬吏部曰選司封司勲考功
四部改文選驗封稽勲考功洪武二十九年并五部
屬皆稱清吏司建文去清吏字靖難後復故戶部曰
民度支金倉四部二十三年改十二部浙江江西湖
廣陝西廣東山東福建北平河南山西四川廣西量
其繁簡兼領京畿而以雲南隸陝西建文改民度支

金帛倉庾四司靖難後復故永樂元年改北平司為
北京司十九年革北京司增雲南貴州交趾司禮部
曰儀祠膳主客四部改儀制祠祭精膳主客兵部曰
司馬職方駕庫四部改武選車駕武庫職方刑部曰
憲比司門都官四部洪武二十三年改十二部如戶
部建文為詳憲比議職門都官四司靖難後復故北
平雲南貴州交趾改置如戶部工部曰營虞水屯四
部改營繕虞衡都水屯田又改將作司為營繕所隸

工部

吏部尚書一人左右侍郎各一人其屬司務二人文
選驗封稽勲考功四清吏司文選郎中一人員外郎
一人主事二人驗封郎中一人員外郎一人主事一
人稽勲郎中一人員外郎一人主事一人考功郎中
一人員外郎一人主事二人吏四十五人監生六十
七人

尚書掌官吏選授勲封考課之政令侍郎為之戒此

制命數奏率其屬奉其職以贊天子倡百司康兆民
司務省署抄目受發文移五日一奏上三月引監生
勘奏登選諸司務皆如之文選掌官吏選陞改調之
事以贊尚書凡官二萬四千六百八十三人京師一
千四百十六人南京五百五十八人外二萬二千七
百九人凡選歲引選六類選亦如之遠方選二朝覲
之歲揀選一歲貢選教職者無常期選庶吉士會翰
林院禮部御史會都察院凡陞必滿考不能久任不

待考滿曰推陞類推上一人取旨單推上二人三品
以上九卿及僉都御史祭酒廷推上二人或三人內
閣吏部尚書勅推上二人或三四人皆請旨以署職
試職實授莫年資以裁革并省兼攝添設註選量繁
簡以薦舉起廢徵召達島異以帶俸添註寄恩冗以
降調除名馭罪過以官程勤吏治以寧假悉人情其
入選賢良方正聰明正直孝悌力田明經經明行修
博學宏詞孝廉人材秀才耆民稅戶諸科並革曰進

士曰舉人曰歲貢曰官生恩生功生曰吏員承差知
印書算篆書譯字鑒樂天文地理匠人畫士僧道咸
登資簿登其流品平其注掄不得相先後王官不外
調王姻不內除大臣之族不得任科道族有僚屬者
下避上傳陞乞陞者執不可奏其弊也有納粟馬銀
乞遠方之例遠方不得銓府佐州縣正驗封掌封爵
襲廢褒贈吏算之事以贊尚書凡公侯伯開國靖難
討虜捕倭擒反者外戚恩澤闕里大宗徵其誥券通

孽功罪封號祿爵以第其世流降除之等請裁於上
以土流馭夷官以誥勅授封贈以進階貤封加贈追
奪勵懲良以廢叙錄任子以等級給散官以考撥差
胥算以頒知訓入官稽勲掌勲級名籍喪制之事以
贊尚書凡五品上文官再考授勲凡百官黃類登內
府有故除之凡三年喪解職糾奪喪禁短喪謫匿喪
欽天監奔喪三月復凡父母老七十縣兄弟得終養
更名名有諱復姓姓無漏後名姓更復必登版考功

掌官吏考課黜陟之事以贊尚書凡內外官給由三年初考六年再考並引請九年通考奏請綜其稱職平常不稱職而黜陟之陟無過二等大臣不註考倉場庫官一年考巡檢三年考教官及流外冗官九年考覈其功過而黜陟之陟無過一等惟舉人教官得引選試陞陞無等遠省府同知下三六年省考九年部考京官五品下已亥年考察不識者除名調降致仕有差四品上自陳去留聽上外官辰戌丑未年考

察不職者亦如之内外官有劾章下品其良不肖擬
去留請大臣自陳下亦如之王官長史審理紀善考
察如京官南京庶官初考引復再考南京吏部類報
大臣再考亦引請外官九年僅一考卽稱陞減一等
吏二考覈冊移驗封承差覈冊移文選吏三考及知
印考第其資格引選凡乞致仕者不限年聽京官七
十外官六十五致仕大臣奏聽上文官請筮祭贈謚
廕者按其滿考被劾與否報所司必傳公議以閑劇

量殿最以旌異廉政績以貢舉搜遺逸以保留達民情以紀錄懲愆過以謫戍糾罪閑官吏

戶部尚書一人左右侍郎各一人提督倉場侍郎或尚書一人其屬司務二人浙江江西湖廣陝西廣東山東福建河南山西四川廣西貴州雲南十三清吏司各郎中一人員外郎一人主事一人添設浙江湖廣廣東福建河南四川廣西貴州司各主事三人山東司郎中一人主事三人陝西司郎中二人主事三

八山西司郎中三人主事四人雲南司主事四人照磨所照磨一人檢校一人監生六十三人吏百七十八人所屬衙門寶鈔提舉司提舉一人副提舉一人典史一人抄紙局廣積庫承運庫廣盈庫太倉銀庫各大使一人節慎庫印鈔局寶盈局御馬倉張家灣檢校批驗所各大使一人副使一人寶鈔廣惠庫賊罰庫各大使一人副使二人甲乙丙丁戊字庫大使五人副使六人吏四人八十外承運庫行用庫軍儲

倉大使一人副使一人

尚書掌戶口田賦貢後經費之政令侍郎為之貳凡
制命敷奏率其屬奉其職業以贊天子倡百司康兆
民照磨檢校典磨勘俸糧同其計算十三司各掌其
分省及兼領京師直隸之事以贊尚書條為四科曰
民曰度支曰金曰倉類理之以周知其地理古今沿
革山川險易肥瘠寬狹民生物力多寡登耗之數凡
賦役稽版籍一歲會實徵十歲攢黃冊冊有丁有田

丁有役田有租田曰官田曰民田凡二等租曰夏稅
曰秋糧凡二等丁曰成丁曰未成丁凡二等役曰甲
役曰徭役曰雜役凡三等皆有力役有催役計其丁
田為差凡鹽存積十二常股十八召商輸芻粟佐邊
十八次支十二見支商毋銀輸竈毋銀賦私鹽毋連
盜公鹽毋歸豪有力者凡頒祿俸糧廩兼本折色本
色毋過十六折色毋過十五凡漕運曰支兌曰改兌
支兌十八改兌十二凡貯粟曰京倉曰通倉京倉十

八通倉十二凡藏銀曰內帑曰太倉內帑十二太倉
十八其沒貲也太倉十一內帑十九凡蠲征曰恩蠲
曰災蠲恩蠲十一災蠲十九凡兵農曰屯田曰營田
屯田十八營田十二凡賑濟曰出帑曰發倉出帑十
一發倉十九凡邊儲曰田賦曰鹽賦田賦十六鹽賦
十四主兵常支客兵乍支其贏也曰雜熟詘也曰預
借曰寬運邊有行即中曰邊即掌出納邊儲五歲勅
科道各一人覈科乾沒以墾荒業貧民以占籍附流

民以畸零寄細民以馴野馭羈縻之民以圖帳抑兼
并之民以折銀劑米值以平米均田耗以布帛飲庸
調以桑棗課農官以芻地給馬牧以里老攝鄉社以
律誥嚴訓防以給除差優復以珍異儲上供以鈔錠
節恩賞以限田裁異端以賜田懷降虜以封閉密砂
礦以金穀累贓罰以課程攔雜物以關權市船材以
引由嚴茶政以權量和市易以時估約均輸凡獻產
漏產詭產朋戶折戶逃戶必罰毋亂宗類毋淆良賤

毋遊手食毋毀鈔毋過錢諸王大臣毋得請常課乞
閒田提舉倉庫大副使各程其出納簿錄其行績聽
戶部

禮部尚書一人左右侍郎各一人其屬司務二人儀
制祠祭主客精膳四清吏司各郎中一人員外郎一
人主事二人提督四夷館主客主事一人監生六十
一人吏四十八人所屬衙門鑄印局大使一人副使
二人教坊司奉鑾一人左右韶舞各一人左右司樂

各一人

尚書掌禮樂貢舉封建朝貢祭祀宴饗術藝道佛之
政令侍郎為之戒凡制命數奏率其屬奉其職業以
贊天子倡百司康兆民儀制掌禮文宗封學校科貢
之事以贊尚書天子即位立東宮冊皇后妃嬪上慈
宮徽號皆擬上其儀以令於諸司歲元旦長至萬壽
聖節大朝賀之禮三月朔望殿朝之禮二日朝早午
晚門朝之禮三凡經筵日講御文華殿皇帝初即位

請耕藉田視太學釋奠拜先師皇帝諭百官曰詔曰
制曰勅曰誥曰書太皇太后皇太后曰誥百官陳事
於皇帝曰表曰奏曰題太皇太后皇太后亦如之於
皇太子曰箋曰啓皇后亦如之皇帝批荅曰聖旨皇
太子曰令旨太皇太后皇太后曰懿旨東宮出
閣監國節令百官朝賀禮下天子諸王讀書禮下東
宮皇后令節受冊外命婦朝賀皇太后太皇太后亦
如之凡歲一封宗室王郡王將軍中尉妃主君各以

其親踈為等百官於宗王稱官而名不得稱臣王官
各稱臣於其王凡監學條其規約而時中之司府州
縣衛學皆有歲貢貢以次子午卯酉歲畿省試生儒
易詩書春秋禮記人占一經中式曰舉人名有額辰
戌丑未歲會試天下舉人額上請中式者請上策試
賜進士及第出身有差諸司相移文上下曰照會曰
劄付曰故牒曰帖下上曰咨呈曰牒呈曰呈曰申啟
曰咨曰關曰牒皆以印識通上下防奸偽凡印文四

等文淵閣玉箸篆將軍掛印柳葉篆一品至九品九
疊篆賜關防若未入流條記亦如之監察御史八疊
篆夷王印三等曰金曰鍍金銀曰銀凡宴禮三曰大
宴曰中宴曰小宴郊宴最大凡射禮二曰大射曰宴
射皆酌古禮而殺其儀節凡冠婚天子至於庶人參
諸三禮而登殺其儀凡官民公私服舍皆有式無相
踰僭凡親巡狩親征班師策勲行賞第其禮儀移有
司凡祥瑞辨其物名類奏大瑞特奏無請封禪以鄉

飲酒禮讀律誥訓禮讓以養老尊高年以卹貧周仁
政以旌表章勸勵以建言議利病以連坐謫戍禁自
宮祠祭掌祭享獻薦天文國卹廟諱術藝道佛之事
以贊尚書凡祭有三曰天神曰地祇曰人鬼辨其大
祀中祀小祀而敬供之飭其壇廟陵寢數省閱之蠲
其牢醴玉帛粢羹水陸瘞燎之品第其配侑從食功
德上下凡王國司府衛所州縣祀典神祇稽諸令甲
播有司以時謹其祀事品官庶人家祭亦如之督日

官欽若昊天而曆象之算大統曆御覽曆壬遁曆御覽天象錄七政經度曆回回七政經緯度曆占日月交食月五星凌犯日月旁雲氣品調壺漏有變密奏上日月食預移內外諸司救之凡天下大災異卽聞次類聞並乞修省凡喪服五曰斬衰曰齊衰曰大功曰小功曰緦麻辨其同姓九族異姓母族妻族親疎之等而為三年期九月五月三月之等凡國有喪若品官庶人喪皆傳古喪禮損益行之凡謚皇帝十七

字皇后十三字皇妃東宮東宮妃二字親王一字郡
王二字勲戚文武大臣請葬祭贈謚移諸司覈行能
請上塋祭有差謚皆二字官品未高而侍從有勞動
事死義夷王若使得特賜凡先帝后愍忌祀於陵輟
朝不廢務凡藝術天文地理醫藥卜筮師巫音樂並
籍其人毋以術越境興妖妄藏識圖書象凡僧道咸
設官領之三年一度度必通經毋貲度以周知冊檢
其偽冒而覈其禁令凡樂曰中和韶樂曰堂下樂曰

升陞樂曰侑食樂曰大樂其雅樂備八音五聲十二律九奏萬舞之節俗樂有百戲承應隊舞承應謳歌承應祭祀用雅樂太常領之宴饗朝會兼用俗樂領於伶人奉鑾韶舞俳長色長歌工樂工舞人各專其業而籍用之慈宮中宮女樂奉鑾諸官妻五人提調主客掌華夷朝貢往來宴賜之事以贊尚書凡蕃夷辨其五年三年二年比年年再至之貢及其貢物貢途貢使豐約遙徑多寡之數王若使至賓待之差其

迎送宴勞賞賚廬室幕帳食料之等請嗣王封者使
二人頒冊於其國諸大苟渠有保塞功授冊印封之
以信符徵勘合以金勅諭差發以通事譯夷情以開
市平交易以計折收番貨以刑典禁交通凡賜均賞
特賞皆有差凡域中歲徵其方物有常精膳掌宴饗
牲豆酒膳之事以贊尚書凡膳羞珍品酒醴光祿領
之會其數程其出納凡筵宴視其品秩凡三等凡蕃
夷土官辨其下程之等曰常例曰欽賜若宴次食料

多寡各有差凡皇邸若在途及其使人欽賜厨料亦如之凡厨役僉諸民久次銓王府典膳凡歲歲冰出冰移所司謹潔之

兵部尚書一人左右侍郎各一人其屬司務二人武選車駕職方武庫四清吏司各郎中一人員外郎一人主事一人添設武選郎中一人主事四人車駕郎中一人主事二人職方郎中一人主事四人武庫主事二人守山海關職方主事一人監生三百二十五

八吏一百六十七人所屬衙門京衛武學教授一人
訓導六人會同館大使一人副使一人大勝關大使
一人副使一人

尚書掌武衛官軍選授簡練鎮戍廐牧傳郵輿皂之
政令侍郎爲之貳凡制命敷奏率其屬奉其職業以
贊天子倡百司康兆民武選掌武官選陞襲替功賞
之事以贊尚書凡世武官九等曰指揮使同知僉事
正副千戶衛鎮撫實授試百戶所鎮撫凡流官都督

三等都指揮三等不得世卽有世者出特恩凡歲六
選官二等曰舊官曰新官皆有流有世世曰襲職曰
替職其幼也曰優給不得世者曰減革曰通革非真
授者曰試職曰署職曰納職凡首功四等曰北虜曰
遼東女直曰西番苗蠻曰內地反賊凡戰功二等曰
奇功曰頭功凡賞三等曰加賞曰給賞曰量賞凡推
陞勲臣若武舉薦舉會舉二人上請凡土官六等曰
宣慰宣撫招討安撫長官千夫長其子弟族屬若妻

婿女甥皆得從其俗凡夷官自都督至於鎮撫凡十
四等皆以誥勅辨冒僞凡傳陞乞陞非軍功陞者得
執奏以考選比試併鎗達材而程力以部功課將領
以通降練卒徒以貼黃正圖狀以初績徵誥勅以褒
卹勵死戰以優養恩故絕以引類登選簿以殺降夫
陷避敵激叛肅軍機以典刑敗倫行劫退陣斷世祿
以寄祿馭恩倖以覈訊糾捕緝車駕掌輿輦車乘衛
守廐牧傳郵之事以贊尚書凡大朝賀大禮儀陳鹵

簿大駕常朝設丹陛駕有差皆辨其物數而序次之
凡侍衛陞殿全直常朝番直凡守衛親軍衛畫前左
右後四行日夜巡警之皆有團伍定其籍之多寡而
第其番之上下凡衛直有勲戚武官勲衛散騎舍人
將軍力士校尉凡馬政三曰民牧曰衛牧曰京府寄
牧凡牧官兩京太僕寺山西陝西甘肅行太僕寺遼
東陝西苑馬寺受其籍帳而時程督其登耗闌逸之
數以營牧節芻秣以印俵防欺冒以色齒數抵謾以

糧馬征南夷以茶馬通西番以市馬縻東虜皆以足
軍實京營邊鎮毋乏馬凡傳郵二曰驛曰遞運所在
京師曰會同館皆以符驗關券行之凡黃馬快船以
練水軍致貢獻凡東宮儀仗侍衛慈宮中宮鹵簿皆
藉其數有差職方掌地圖軍制城隍鎮戍商練征討
關津之事以贊尚書凡地圖諸邊腹疆界地里遠近
險易三歲一報官軍車騎之數亦如之凡軍制內外
相維武官不得輒下符行軍凡設官都督府五都督

揮使司二十一留守司二衛四百九十一守禦屯田
羣牧千戶所三百十一儀衛司三十三宣撫招討宣
慰安撫長官司九十五番夷都司衛所四百七各統
其官軍及部落聽征調守衛朝貢保塞之職凡城隍
以時築濬閱視之凡鎮戍防虜禦暴阨險要屯兵統
之凡將校五等曰鎮守曰協守曰分守曰守備曰備
倭其官稱曰總兵曰副總兵曰叅將曰遊佐擊將軍
曰都指揮曰行都指揮事凡六等監以都御史曰贊

理軍務凡簡練三營曰五軍練五軍將士曰神樞司
旗幟曰神機習火器三營各練之神樞馬隊神機步
隊五軍兼馬步隊統以文武大臣曰總督京營戎政
曰協理京營戎政其屬曰副將曰叅將曰遊擊將軍
曰佐擊將軍科道官巡視之若將軍營練將軍四衛
營練勇士幼官舍人營練京衛幼官及應襲舍人殫
忠効義營練報効舍餘別為營領之皆專一藝程其
閑否稽其什伍存逸闢穢精頗之數教以坐作進退

疾徐疏數之節金旗麾鼓之號凡將材三歲武舉六
歲會舉歲薦舉籍而用之凡有征討命將出師請命
文武大臣曰提督曰總督曰總制懸賞罰調兵食紀
功過各以所司請凡軍有功聽御史覈移武選陞賞
有差以堡寨障邊徼以烽堠傳聲息以冊勾驗補收
垛間發冒漏除豁覈冊籍以存恤優初役以壯快簡
鄉民以關津詰奸盜武庫掌戎器持勘尺籍武學新
隸之事以贊尚書凡戎器守衛邊鎮若征行准諸司

行工部請給火器請內府凡使人出邊關必驗勘合
凡制勅調邊兵必比勘合勘合皆出內府凡尺籍衛
所上缺伍圖冊府縣上軍戶文冊並下諸省按勾衛
所卽去府縣近不得輒相移凡清軍司府州縣設專
官或監以御史歲集里老覈其招募採集罪謫改調
營丁籍戶之數以跟捕紀錄開伍結除停勾嚴稽其
冒漏而寬其恩復凡武學教武職幼官及子弟未嗣
官者籍其功能歲終檢奏六年一會舉應文武舉者

聽怠不率教者罰黜有差凡卑隸直衙柴薪二等辦其官品而多寡其數並在役

刑部尚書一人左右侍郎各一人其屬司務二人浙江江西湖廣陝西廣東山東福建河南山西四川廣西貴州雲南十三清吏司各郎中一人員外郎一人主事二人添設司主事一人漕運理刑主事一人照磨所照磨一人檢校一人司獄司司獄六人監生八十四人吏一百四十八人

尚書掌刑名徒隸勾覆關禁之政令侍郎為之貳凡
制命數奏率其屬奉其職業以贊天子倡百司康兆
民照磨檢校照刷文卷計錄賊贖司獄守獄十三司
各掌其分省及兼領京府直隸之事以贊尚書凡宗
室勲戚官吏軍民蠻夷麗於法者詰其詞察其情偽
而蔽其罪之重輕必傳律例律凡六百有六條例凡
三百七十有六條律例所不及者比而議請焉凡象
刑之名五曰笞曰杖曰徒曰流曰死死二等流三等

徒杖笞並五等死刑最重者凌遲徒流之重者遷徙
曰充軍凡慙惡之戮十曰謀反曰謀大逆曰謀叛曰
惡逆曰不道曰大不敬曰不孝曰不睦曰不義曰內
亂凡原有之議八曰親曰故曰功曰賢曰能曰勤曰
貴曰賓凡貪墨之賊六曰監守盜曰常人盜曰竊盜
曰枉法曰不枉法曰坐贓凡獄具七曰笞曰杖曰訊
曰枷曰杻曰索曰鐐凡兩畿十三省死刑歲讞平之
奏上凡詔獄必傳律例請上裁凡應減者下就輕二

死三流一減加者上就重重不得至死凡律例外有
殊旨別初詔例榜例非經議請著令者不得引比凡
死刑卽決及秋決並三覆奏後戮於市凡贖罪有力
者視罪輕重為差斬絞雜犯亦贖從末減者收贖凡
簿錄俘囚配沒給賜官私奴婢必籍知之凡籍產不
得及其先墳塋凡贓罰諸物本直時估叅計之易銀
歲抄類入內府凡徒杖笞者有大詔減一等凡獄成
移大理寺讞而評焉因服乃已否駁再問有照駁叅

駁追駁者異圖審及請制決者必服乃已凡訴寃者
外而內皆自下上急擊登聞鼓凡重囚京師歲霜降
會五府九卿科道慮之上請情真者決矜疑者戍邊
有詞者調司再問比律者監候五歲請勅遣官出京
府兩畿十三省審錄減釋寃濫者凡夏月錄囚免苦
刑減徒流以下刑辯重刑凡提平月更主事一人葺
圉園固械繫而特其食飲有病墜藥之凡官有過紀
錄之兩京歲抄勅滿除紀過凡大祭祀止刑凡四方

有大獄則受命而往成之以名例攝科條以八字括詞義以五服叅情法以墨涅識盜竊宗人不卽市宮人不卽獄悼耄癯殘不卽訊

工部尚書一人左右侍郎各一人易州觀察侍郎一人其屬司務二人營繕虞衡都水屯田四清吏司各郎中一人員外郎一人主事二人添設郎中虞衡二人都水四人屯田一人員外郎營繕二人虞衡二人主事營繕四人都水八人監生九十七人所屬衙門營

繕所所正一人副二人丞四人文思院大使一人副
使四人軍器局皮作局各大使一人副使二人寶源
局鞍轡局廣積通積通州白河抽分竹木局織染所
雜造局各大使一人副使一人蘆溝橋抽分竹木局
大使一人副使三人大通關提舉一人典史一人吏
一百四十九人

尚書掌工役農田山川澤數河渠之政令侍郎為之
貳凡制命數奏率其屬奉其職業以贊天子倡百司

康兆民營繕掌經營興造之事以贊尚書凡內府宮
殿陵寢城壕壇場祠廟解署倉庫營房之後鳩力會
財以時督程之王邸亦如之郡王將軍中尉主君與
邸貲有差凡鹵簿儀仗樂器移內府及下諸屬各以
其職治之省其堅潔而董其竅濫凡置獄具必如律
凡工匠二等曰輪班曰住坐 二等曰正工曰
雜工雜工三日當正工一日凡撮工歇工視役煩省
節其財力凡會有無移內府虞衡掌山澤採捕屬禁

陶冶之事以贊尚書凡採捕禽獸及革骨羽毛以供
祭祀賓客膳羞禮器之用水課禽十八獸十二陸課
獸十八禽十二凡軍器軍裝移內府及下諸屬歲一
造或三歲一造必堅繕諸省亦如之凡火器曰火車
曰火傘曰神鎗曰將軍四等曰銃六等曰箭三等曰
砲十二等並內府製之給邊鎮凡獵畋以時冬春之
交置罝不施川澤春夏之交毒藥不施原野苗盛禁
蹂躪穀登禁焚燎若害獸聽為檻穽獲之賞有差凡

諸陵山麓不得入斧斤開鑿治置墓墳凡帝王聖賢
忠義名山嶽鎮陵墓祠廟有功德於民者禁樵牧凡
山場園林之利聽民取之而薄征之凡陶冶磨礱籍
其常造乍造之數計其入慎藏之無輒毀以煩民財
力凡鑄造審其模範計其銅鐵而鎔之金牌信符鑄
之內府凡鑄錢當十當五當三折二小錢凡五等鼓
鑄於京師進於內府而頒之諸省亦如之凡顏料徵
土產不強其所無否徵其直都水掌川瀆陂池泉灤

洪淺道路橋梁舟車織造券器衡量之事以贊尚書
凡水利曰轉漕曰灌田歲儲其金石木竹卷掃以時
修其閘壩礎淺堰圩隄防護其畜洩以備旱潦無使
壞田廬墳隧禾稼舟楫磴礪者不得與灌田爭利灌
田者不得與轉漕爭利凡水役以農隙急則驟理之
而轉漕之役最大歲費財力百萬計凡水要會京朝
官專領之以督有司凡鱗介荏蒨之利聽民取之而
薄征之凡道路塞其坑坎巡幸若大喪大禮治而新

之凡橋梁曰舟梁曰石梁鉅國工創修之大津不能
梁官給舟人量其大小難易而食之凡舟七等曰黃
船曰馬快船曰海運船曰鮮船曰備倭船曰戰船曰
糧船糧船之用最急費最大皆會其財用下諸司酌
其多寡久近勞逸而均劑之凡車三等曰大車曰小
車曰戰車亦如之凡織造冕服誥勅制帛祭服淨衣
諸幣布內府南京諸省供之周知其數而慎節之凡
公侯伯鐵券差其廣高二等侯三等伯二等凡祭

器冊寶乘輿牌符雜器會則於內府凡衡量謹其較
勘而頒之懸式於市屯田掌屯農墳塋抽分薪炭夫
役之事以贊尚書凡屯田腹邊公田閒田沒田給衛
所耕劑其地力人力而徵其子粒贍官軍省餽餉凡
在邊牛犁諸器官給之凡墳塋宗室勲戚文武官各
有差堂碑碣獸亦如之凡抽分征諸商率三十分取
十五取六取五取四取三取二取一凡七等凡薪炭
南取洲河北取山麓墮或徵諸民有本折色酌其多

寡而搏節之凡夫役伐柴轉柴皆雇役周知其數而時蠲之

都察院吳元年設御史臺從一品湯和鄧愈爲左右御史大夫劉基章溢御史中丞又有侍御史治書侍御史殿中侍御史經歷都事照磨管勾監察御史譯事引進使洪武十年七月詔遣監察御史巡按州縣十三年改正二品設左右中丞是年罷御史臺十五年改都察院正七品設監察都御史八人以秀才李

原明詹徽等為監察都御史又分設浙江江西福建
北平廣西四川山東廣東河南陝西湖廣山西十三
道監察御史正九品鑄監察御史印文曰繩愆糾謬
十六年陞正三品設司務十七年陞正二品定設都
御史副都御史僉都御史各左右一人經歷都事十
二道監察御史以徽為左都御史建文元年罷左右
都御史設都御史一人副僉都御史各一人二年改
為御史府設御史大夫正二品革十二道置察院一

御史二十八人改諸御史為拾遺補缺靖難後復故
其北平貴州交趾雲南改置如刑部若巡撫之名本
始於懿文太子巡撫陝西取巡守撫軍之義永樂中
乃以文臣巡撫尚書侍郎通政叅議少卿寺丞皆得
奉勅行事景泰中耿九疇以侍郎出守陝西始改憲
職自後凡巡撫總督必以都御史尚書侍郎必兼都
御史

都察院左右都御史各一人左右副都御史各一人

左右僉都御史各一人其屬經歷司經歷都事各一人司務二人照磨所照磨一人檢校一人十三道監察御史河南浙江江西山東各十八福建廣東廣西四川貴州各七人陝西湖廣山西各八人雲南十一人司獄六人在外都御史或副僉都御史總督陝西軍務一人總督宣大一人總督遼薊一人總督漕運兼巡撫江北一人總督糧儲兼巡撫江南一人總督南京糧儲一人提督兩廣軍務兼巡撫一人提督南

贛汀漳軍務兼巡撫一人提督紫荆三關巡撫保定
等府一人提督鴈門三關巡撫山西一人總理河道
一人贊理軍務兼巡撫陝西一人提督軍務兼巡撫
浙江一人提督軍務兼巡撫福建一人甘肅一人寧
夏一人延綏一人大同一人宣府一人遼東一人湖
廣一人四川一人雲南一人貴州一人整飭荊州邊
備巡撫順天等府一人撫治鄭陽等處一人巡撫河
南一人山東一人江西一人鹽法屯田督餉採木討

賊禦虜總制經畧巡視無常員監生二百五十人吏
三百三十二人

左右都御史掌風紀副僉都御史爲之貳凡大臣奸
邪小人構黨作威福亂朝政則劾凡百官猥茸貪冒
則劾凡學術不正上書陳言變亂成憲希求進用或
才德無聞挺身自拔則劾以憲綱督察御史凡監
察御史出巡復命覈其稱職不稱職聞上凡考察內
外百官會於吏部選用風憲亦如之凡讞罪因鞠大

獄會於外朝若京畿道凡有寃抑與雪理凡制訊囚徒會刑部大理寺凡畿省死刑讞平之奏上凡勅差者各奉勅行事大抵內地專職拊循邊鎮軍務為重其有事暫設者事畢而罷即遣尚書侍郎必兼都御史經歷都事典出入文移叙差御史司務典叅謁受事照磨檢校典磨勘卷宗十三道監察御史有分道道無專官一人嘗兼數道河南道獨掌內外官考察之事十三道各奉其職監察內外百司糾劾官邪大

班露章面劾或封章奏劾凡差在內京畿道副卷及
巡視京營提學巡倉巡庫巡視光祿巡青恤軍監課
在外巡撫清軍副卷巡鹽巡河巡關巡茶印馬屯田
捕盜監糧勘事征行則監軍紀功各以其事審功而
糾過凡差三等點差上二人奏差上一人劄差不請
上諸差巡按為要凡朝會糾儀祭祀監禮凡政令得
失軍民利病得直言凡出巡得舉劾諸司官凡罪囚
巡按審錄有故出入理辨之凡獄勅下臺推按奏上

常獄擬罪移評大理寺不當再訊三訊至於五六訊
必允乃已凡有大政集闕廷預議焉凡犯罪加三等
有賊重論

通政使司洪武三年爲察言司設司令尋革十年始
置通政使司正三品設通政使左右通政左右叅議
經歷知事以曾秉正爲通政使建文中改司爲寺通
政使爲通政卿通政叅議爲少卿寺丞增置左右補
缺左右拾遺各一人靖難後復故

通政使司通政使一人左右通政各一人左右叅議
各一人膳黃右通政一人其屬經歷司經歷一人知
事一人監生九人吏二十五人

通政使掌出納帝命通達下情關防諸司出入移狀
奏報四方臣民實封及軍情聲息災異皆審署叅覆
而上下焉通政叅議為之貳凡日常朝引奏人凡事
月類奏歲抄通奏凡四方雨澤歲抄而奏凡有錯誤
藉而類請之凡在京詞狀判送法司推問出入文移

以驗正之記日照之記記之謄黃通政錄武官黃於
內府覈其歸附征克陞轉衛所世流襲替之故以徵
選事經歷知事典勘對題奏移狀

大理寺吳元年初置設卿少卿丞評事洪武元年革
十四年復置翰林待制吳沉言刑冤濫請增審獄官
又設審刑司屬寺凡刑部十二道五軍斷事官按囚
覆問移審刑司評駁是非洪武三年置磨勘司有令
左右丞凡諸司刑名錢糧有冤濫隱匿者稽其功過

以聞十七年改建刑部都察院大理寺審刑司五軍
斷事官署於太平門外名其所曰貫城十九年罷審
刑司二十三年陞寺正三品與六部都察院通政司
並二十九年復革案牘盡移後湖三十一年九月建
文君復置改寺為司卿為大理卿左右寺正為都評
事寺副副都評事司務都典簿靖難後盡革建文官
制惟大理復為寺存焉

大理寺卿一人左右少卿各一人左右寺丞各一人

其屬司務二人左右二寺各寺正一人寺副一人評事四人監生三十二人吏三十五人

卿掌審讞允反刑獄之政令少卿寺丞爲之貳凡刑部十三道推問刑名按律例慮而復問其狀款服則決之否則駁訊必服乃決每歲會九卿朝審重囚凡錄囚徒會刑部都察院司務典出納文移左右寺分理京畿十三省刑名之事凡刑部十三道問理刑名據其由狀訊其人合律例若囚服難擬否駁再擬改

正曰照駁三擬不當糾問官曰叅駁格律寬甚者移
調問曰審異再異則請下九卿會問曰國審凡已評
允而尤未當者移再問曰追駁凡屢駁不改者徑請
發落曰制決凡各省三司直隸死刑並讞已乃聽決
按察司巡按巡撫惟死刑呈部院轉讞凡笞杖罪移
審徒流以上奏審凡律例無正條上下比請曰類奏
平反刑獄狀南京有重囚平審而類奏亦如之

太常寺吳元年置稱司正三品洪武二年置神牲所

設康儀令大使副使四年革神牲所十二年置神樂
觀二十四年設各祠祭署奉祠祠丞三十年改司爲
寺建文中改卿爲太常卿少卿寺丞分左右天壇祠
祭署爲南郊祠祭署泗州祠祭署爲泗濱祠祭署宿
州祠祭署爲新豐祠祭署孝陵置鍾山祠祭署及司
圃所增神樂觀如觀一人靖難後改鍾山祠祭署爲
孝陵祠祭署南郊祠祭署爲郊壇祠祭署已又改爲
天地壇祠祭署餘如故嘉靖中釐祀典改天地壇祠

祭署為天壇別為地壇各設祠祭署又改山川壇藉田祠祭署為神祇壇祠祭署大祀敘奉祀為新穀敘祠祭署又增朝日夕月二壇祠祭署

太常寺卿一人少卿二人提督四夷館少卿一人其屬典簿二人博士二人神樂觀提點一人知觀二人協律郎二人贊禮郎九人司樂二十八天壇祠祭署奉祀一人祀丞二人地壇祠祭署奉祀一人祀丞一人朝日壇祠祭署奉祀一人祀丞一人夕月壇祠祭

署奉祀一人祀丞一人祈穀殿祠祭署奉祀一人祀丞一人祖陵皇陵孝陵長陵獻陵景陵裕陵茂陵太陵康陵十一祠祭署各奉祀一人祀丞一人楊王徐王墳各有奉祀攝牲所吏目一人吏十一人

卿掌祭祀禮樂之事總其官屬籍其政令以聽禮部少卿寺丞為之貳凡天神地祇人鬼歲祭有常先歲孟冬進明年祭日上御奉天殿受之頒諸司凡上祭贊相禮儀大臣攝事亦如之若祭先期請省牲大祀

上先省大臣繼省之進版銅人上殿奏齋戒齋戒大
祀三日中二日小一日示諸司凡薦新品物移光祿
寺凡國有冊封冠婚營繕出師歲時旱澇大災難請
告郊廟社稷凡親王之國若朝還謁辭於寢廟凡祭
滌器饗理香燭玉帛整拂神幄必恭潔凡玉三等曰
蒼玉曰黃琮曰玉制帛五等曰郊祀曰奉先曰展親
曰禮神曰報功凡牲四等曰犢曰牛曰太牢曰少牢
凡樂四等曰九奏曰八奏曰七奏曰六奏凡舞二曰

文舞曰武舞凡樂器不從凡陵園之祭無樂凡祭掌
祭掌燎看燎讀祝奏禮對引司香進俎舉麾陳設收
走導引設位典儀通贊奉帛執爵司尊司罍洗卿貳
屬各共其事凡宴會率其屬奏樂提督四夷館少卿
掌譯書之事以聽於翰林院凡八館曰鞑靼女直西
省西天回回百夷高昌緬甸以國子生充譯字兼官
民子弟時校其業裁幸進焉典簿典勾校金穀察視
禮數省署吏移博士講習禮文請上填名祝板大禮

導贊其儀神樂觀提點知樂領樂生舞生而時教肄
之進退其考贊禮卽設君臣之位以奉祭祀之禮拜
跪之節皆贊導焉而承傳之協律卽司樂考協雅樂
凡舞人音聲人籍數其名數而審肆之凡淫聲過聲
凶聲慢聲舞失節者皆禁糾之凡上至祀所夜警晨
嚴凡祭先期演樂太和殿凡大祀樂生七十二人舞
生一百三十二人凡壇署典守壇場殿宇廚庫林木
時灑掃之以共其祀事陵署亦如之牲犧所凡三祀

牲牢咸有數養而滌之藉田收穀納於神倉供五齊三酒之用稷藁飼牲

光祿寺吳元年置宣徽院尚食尚禮二局設院使同知院判典簿統二局明年改光祿寺正四品移太常司供需庫隸之洪武四年置法酒庫設內酒房大使副使八年改寺為司陞從三品置大官珍羞良醢掌醢四署署設令丞監事又設華牧所局庫俱革三十年復為寺改署令為署正又設司牲局改華牧所為

司牧局建文中改卿為光祿卿少卿寺丞分左右陞
少卿從四品省署丞二人增監事二人靖難後復如
故

光祿寺卿一人少卿二人寺丞二人其屬典簿二人
錄事一人大官珍羞良醞掌醢四署各署正一人署
丞四人監事四人司牧局大使一人司牲局大使一
人吏二十五人

卿掌祭享宴勞酒醴膳羞之事辨其名數會其出入

量其豐約以聽於禮部少卿寺丞為之貳凡祭祀請
省牲進飲福酒昨凡薦新移太常寺凡喪葬供其祭
物凡牲果菜雜物取之上林苑不給市諸民視時估
十加一凡市直率支天財庫錢鈔凡貢獻果鮮廚料
省受之凡器皿移工部及募工兼作之歲省其成敗
凡筵宴酒飯番夷貢使降人茶飯物料下程差其等
而供之凡廚役久得為王典膳移吏部凡傳奉宣索
籍記覆奏之監以科道官各一人察其出入而糾禁

其奸弊大官供祭祀宮膳節筵給夷濟貧之事珍羞
供宮膳茶飯之事良醞供獻殿膳宮均給內外官人
夷匠之事掌醞供祭祀茶飯齋禱之事司牲養牲視
其肥瘠而蠲滌之司牧亦如之

太僕寺從三品卽北平行太僕寺也永樂元年改爲
北京行太僕寺六年又設北京苑馬寺領六監二十
四苑十六年革馬歸北京行太僕寺牧民間凡領府
衛州縣三百六十八年改太僕寺洪熙元年復稱北

京行太僕寺正統六年定為太僕寺南京太僕寺國
初之羣牧所也洪武六年移滁州建文中改卿為太
僕卿增典廐典牧二署設驕驍十五羣遂生三羣分
隸二署靖難後復故

太僕寺卿一人少卿三人寺丞八人其屬主簿一人
常盈庫大使一人吏二十二人

卿掌牧馬之政令而聽於兵部少卿寺丞為之貳少
卿一人佐寺事一人督營馬一人督畿馬寺丞分理

京衛畿府及山東河南六部孳牧寄牧三年更凡牧人皆視其丁產而授馬馬蠲其賦後之則更凡孳牧軍民皆有種馬馬有牝牡牡十二牝十八牝牡五歲徵馬一曰備用馬齊其馬力以給京邊將士將士足寄牧於畿府土非所宜及人民耗散或征馬金輸兵部市馬凡馬肥瘠登耗籍其毛齒而時省之三歲偕御史一人印烙選其良健而汰其羸劣凡草場歲徵其租金歲授出佐牧人市馬凡租金恩蠲或災蠲馬

及馬金災蠲不得恩蠲卽蠲必轉移相抵不得虧軍賦主簿勾省文移常盈庫貯馬金

詹事府洪武初置大本堂取古今圖書充其中召四方名儒教太子居文華堂諸儒親王專經面授分番夜直已而太子居文華堂諸儒臣迭班侍從又選才俊之士入充伴讀時時賜宴賦詩商確今古評論文學常是時東宮官有同知詹事院事副詹事左右詹事詹事丞左右率更令率府使副使同知左右率府

事諭德贊善文學中舍正字侍正洗馬庶子皆勳舊
大臣兼之不別設府僚已又改贊善為贊善大夫設
贊讀洪武十年置通事司設司令司丞十四年設左
右司直即左右清紀即十五年置左右春坊各設大
學士又置司經局設洗馬校書正字二十二年以官
聯無統始置詹事院二十五年改院為府正三品左
右春坊正五品司經局從五品皆列署府中而事皆
總於詹事府洪武時春坊翰林院日二人進講尚書

春秋資治通鑑大學衍義貞觀政要諸書纂述始終
直陳大義輯成篇章呈上覽已乃赴文華殿講說三
師三少詹事府鴻臚寺官各一人給事中一人侍講
畢同辭而出召問則諸侍官同入有獨進及留身者
給事中鴻臚寺司直清紀即劾奏洪武二十六年選
秀才張宗濬等隨詹事春坊官分直文華殿侍講畢
進說民間利害田里稼穡古今孝弟忠信文學材藝
故事命廷臣舉孝義篤行之士為東宮官屬遂以鄭

濟王勲為左右庶子建文中增少卿寺丞各一人賓客二人又置資德院設資德一人資善二人其屬贊讀贊書著作郎各二人掌籍典簿各一人靖難後復故仁宗在東宮待官臣有恩禮燕勞慰問如家人父子然然官臣亦為宗藩所誣時時得罪繫獄或至死英宗初大臣上講讀儀大抵尊君卑臣非復祖宗之舊矣

太子太師太子太傅太子太保從一品太子少師太

于少傅太子少保正二品太子賓客正三品皆東宮
大臣而不列於詹事府無定員無專授為勲戚文武
大臣兼官加官贈官或曰東宮公孤初蒞詹事府洪
武元年李善長徐達兼太子少師太子少傅治書侍
御史文原吉范顯祖皆兼太子賓客二十五年立皇
太孫始以宋國公勝穎國公友德兼太子太師曹國
公景隆涼國公玉太子太傅開國公昇全寧侯恪太
子太保詹徽為太子少傅兼吏部尚書茹瑺太子少

保兵部尚書

太子太師太子太傅太子太保以道德輔教太子而
謹護翼之太子少師太子少傅太子少保奉太子以
觀三公之道德而教諭焉太子賓客侍太子規誨贊
相禮儀而先後之

詹事府詹事一人少詹事二人府丞二人其屬主簿
一人錄事一人通事舍人二人吏四人左春坊大學
士一人左庶子一人左諭德一人左中允一人左贊

善一人左司直即一人左清紀即一人左司諫一人
吏一人右春坊亦如之司經局洗馬一人校書二人
正字二人吏一人

詹事以輔導東宮為職少詹事寺丞為之貳凡侍東
宮講讀暨坊局翰林院番直凡講讀畢上所處分府
部軍政要務及撫諭四夷恩義率其僚屬暨坊局陳
說於東宮府院官得互兼凡試士修書皆與焉坊局
亦如之主簿典司會文移檢稽脫失錄事佐之通事

舍人典東朝叅謁辭見之禮及承令勞問之事

左右春坊大學士典東宮上奏請及下啓箋講讀之事審慎而監省之庶子諭德中允贊善各奉其職而從焉凡東宮監國撫軍出狩及朝會出入覆啓畫諾審署移詹事凡諸祥吉若伶僕改變新聲道逢非禮者必陳古義申典制糾正而請遠斥之凡內外庶政可爲規諷者隨事贊諭焉司直郎掌彈劾宮寮糾舉職事清紀卽叅佐之司諫掌歲誨鑒誠之事以拾遺

而補過焉洗馬掌經史子集制典圖書刊緝之事立
正本副本貯本以備進覽凡天下圖冊上東宮者皆
受而藏之校書正字掌繕寫裝潢經史子集制典圖
書詮其訛謬調其音切以佐洗馬

國子監國初為國子學正四品設博士助教學正學
錄典樂典書典膳乙巳秋以許存仁為博士吳元年
添設祭酒司業典簿改典膳為掌饌陞存仁為祭酒
劉承直司業蘇伯衡學正洪武六年增廣國子生額

禮部祭酒之人其詢天下名士通今博古才德堪為
人師者以名聞八年又置中都國子學十五年始改
國子學為國子監從四品十六年宋訥代英顯為祭
酒命曹國公文忠領國子監事車駕時時臨視以故
監官不得中廳而坐中門而行二十六年革中都國
子學建文中陞監丞為堂上官增司業二人省博士
學正學錄增助教十七人靖難後復故

國子監祭酒一人司業一人其屬監丞一人博士五

人助教十五人學正十八人學錄七人典簿一人典籍
一人掌饌一人吏四人

祭酒掌國學舉人貢生恩生官生功生例生夷生幼
勲臣訓教之事司業為之貳凡訓教諸臣奉監規而
損益焉要在明體通用以孝弟忠信禮義廉恥為本
隆師親友讀書寫字為業有不率者扑之不悛從謫
之其率教者有升堂積分及格叙用之法凡課業倣
書季呈翰林院文冊歲奏上凡歲仲春秋上下遺大

臣祀先師則總其禮儀上謁先師幸太學及司業執
經講義凡授經以易書詩春秋禮記人占一經大學
中庸論語孟子兼習之以廩饌膳師生以力役給廚
膳以賜予示恩賚以寧假悉人情以撥歷練吏事以
考選汰冗濫監丞坐繩愆廳叅領監事凡師生怠教
不率教及廩膳不潔並糾懲之而堅明其約束師生
有過書而識之博士坐博士廳五人分經訓教學正
學錄坐正義崇志廣業修道誠心率性堂專職教誨

嚴程課講解經義文字導約之規矩典簿典出納文
移受支金錢李報課業典籍收掌經史子集及制書
掌饌飲食師生

順天府卽北平府洪武二年置北平行省於北平府
已而改行省為布政司北平為會府請難初改為順
天府永樂十年陞正三品如應天府應天府本設知
府洪武四年改知府蘭以權為府尹

順天府府尹一人府丞一人治中一人通判六人推

官一人其屬經歷司經歷一人知事一人照磨所照磨一人檢校一人庫大使一人所屬衙門宛平大興二縣各知縣一人縣丞二人主簿二人典史一人府學教授一人訓導六人陰陽學正術一人醫學正科一人司獄司司獄一人都稅司大副使各一人宣課司四各大使一人或大副使一人稅課司二各大使一人分司二各副使一人巡檢司四各巡檢一人大興縣通運所大使一人批驗茶引所大使一人錢冶

所大使一人閘官三人倉草場大副使五十八吏三百四十八人

府尹掌京府事宜化和人勸農問俗均貢賦節征繇謹祭祀開戶口糾豪強恤窮困錄罪囚務知百姓之疾苦府丞治中通判推官為之歲歲攢實徵十歲造黃冊冊有民數田數凡賦役皆按冊丁產為多寡煩簡之差歲貢學生一人三歲合試諸曹六館圻府諸生而貢士焉月朔奏老人坊廟聽宣諭歲立春迎春

進春耕藉田奉青箱隨播種於後歲春冬行鄉飲酒
禮三月一上勲戚家人引帳國有市易平其價召商
而時給之凡學校軍匠積貯牧馬薪炭河渠隄涂僧
道醫藥之事率其僚而分理焉經歷典出入文移知
事佐之照磨磨勘卷宗檢校佐之

鴻臚寺國初爲侍儀司從六品洪武九年改爲殿廷
儀禮司設使副承奉鳴贊叙班十三年革承奉增司
儀十九年更使爲司正副爲左右司副三十年始改

鴻臚寺正四品外夷通事亦隸焉建文中改卿為鴻臚卿分少卿寺丞左右請難後復故

鴻臚寺卿一人左右少卿各一人左右寺丞各一人其屬主簿一人司賓司儀署各署丞一人鳴贊八人序班五十四人吏八人

卿掌朝會賓客吉凶禮儀之事少卿寺丞為之貳凡日朝朔望朝大朝會宴享經筵進曆進春冊封祭祀傳制奏捷百官四夷見謝辭率其屬而供事焉主簿

典出納文移司賓典四夷朝貢酋渠領從辦其等而
教其拜跪之節司儀典陳設引奏禮儀皆丞領之鳴
贊贊禮凡內贊通贊對贊接贊傳贊各供其事序班
侍班齊班糾儀引入舉案及傳贊

翰林院吳元年五月置翰林國史院並三品設學士
承旨學士侍講學士侍讀學士直學士典簿待制修
撰應奉編脩典籍檢閱尋改翰林院洪武十四年改
正五品革承旨直學士待制應奉檢閱典簿設孔目

五經博士侍書待詔檢討是年十二月令翰林編修
檢討典籍春坊司直郎正字贊讀考駁諸司奏啓平
允則列名封上署曰翰林院兼平駁諸司文章某官
某十八年定設學士侍讀學士侍講學士為正官孔
目首領官侍讀侍講五經博士典籍侍書待詔屬官
修撰編修檢討史官又有秘書監弘文館及起居注
等官未幾皆革建文中增學士承旨一人學士一人
文學博士二人省侍講侍讀學士置文翰文史二館

文翰館設侍書文史館設修撰編修檢討而改方孝
孺為文學博士又改謹身殿為正心殿設學士一人
罷華蓋文華武英三殿文淵東閣大學士各設學士
一人待詔無定員文淵閣設典籍二人靖難後復故
庶吉士者初稱中書六科庶吉士十八年又有翰林
院承勅監庶吉士永樂二年始定為翰林庶吉士選
進士教養之無定員試而留者二甲為編修三甲檢
討不得留者為給事中御史主事或出為州縣官

翰林院學士一人侍讀學士二人侍講學士二人其
屬官侍讀二人侍講二人五經博士五人典籍二人
侍書二人待詔六人孔目一人史官修撰二人編修
四人檢討四人吏一人

學士掌詞翰禮文草詔勅備顧問詳正圖書考議制
度凡經筵日講修書之事皆承受而統領焉講讀職
專講讀經史五經博士專經講義以佐學士講讀典
籍勾輯圖書以時什襲而藏之侍書以字書侍工待

詔應對孔目典文移出入史官掌修國史凡天文地理宗潢禮樂兵刑諸大政上所下詔勅書檄批荅王言皆謹籍而記之以備實錄凡學士講讀史官為上所簡注皆得入內閣預機務京府鄉試充考試官禮部會試充考試同考試官詹事府坊局亦如之

尚寶司國初符璽郎也正七品後置尚寶司正三品
洪武元年改正五品

尚寶司卿一人少卿一人司丞三人恩廕寄祿無常

貢監生六人

卿職在禁廷守寶璽符牌印章而辨其所用有事請
於內既事奉而藏之少卿司丞為之戒凡寶十四曰
奉天之寶以鎮萬國祀天地曰皇帝之寶以冊封賜
勞曰皇帝信寶以徵召軍旅曰天子之寶以祭享鬼
神曰天子行寶以封賜夷蠻曰天子信寶以調發蕃
兵曰制誥之寶以識誥命曰勅命之寶以識勅命曰
廣運之寶以識黃選勘籍曰御前之寶以進御座從

車駕曰皇帝尊親之寶以答賜宗人曰敬天勤民之
寶以訓迪有司凡用寶捧寶從寶洗寶與印綬監俱
凡扈守侍衛令牌之號六曰申曰木曰火曰土曰金
曰水以警夜巡金牌之號五曰仁曰義曰禮曰智曰
信以嚴守衛凡半字銅符之號四曰承曰東曰西曰
北巡者左半守者右半合契而從事焉凡銅牌之號
一曰勇以稽士卒凡牙牌之號五曰勲曰親曰文曰
武曰樂以察朝參凡祭牌之號三曰陪曰供曰執以

謹祀事凡雙魚銅牌之號一曰嚴以肅直衛曰善以
潔祀壇凡符驗之號五曰馬曰水曰達曰通曰信以
給傳郵通制命

六科甲辰統設給事中正五品洪武四年改正七品
六年始分為六科各設給事中凡八十一人從七品
十年隸承勅監十二年改隸通政司十三年置諫院
左右司諫各一人左右正言各二人十五年以兵部
尚書唐鐸為諫議大夫二十二年改給事中魏敬阜

敬等八十一人為士源先是上以給事中數符元士
改為元士至是曰六科政事本源又改為士源未幾
復為給事中二十四年科增都給事中一人正八品
左右給事中從八品改給事中正九品尋又改都給
事中正七品左右給事中給事中並從七品建文中
革左右給事中靖難後復故景泰三年令都左右給
事中坐銜御史上

吏戶禮兵刑工科各都給事中一人左右給事中各

一人給事中吏科四人戶科八人禮科六人兵科十人刑科八人工科四人監生六科四十八

六科掌侍從規諫補缺拾遺分察六部之事而糾其弊誤凡臣民題奏下讀而署之駁正其違失凡制勅宣行大事覆奏小事署而頒之有失執奏封還凡百司官非其人政失其理露章班劾或封章奏劾凡日朝六科輪一人侍殿廷左右執筆記言凡大事廷議大臣廷推大獄廷鞠掌科預焉凡旨下東科類吏科

西科類兵科曰早朝進揭帖凡諸司題奏日附科籍
五日一銷註覈稽緩朝叅門籍六科流掌爲內官傳
旨下補奏得旨而後施行之

中書舍人本屬中書省洪武七年置直省舍人從八
品九年改中書舍人正七品十年隸承勅監監省革
改從七品建文中改侍書入文翰館靖難後復故
中書舍人二十八人恩廕寄祿及文華殿門東房內閣
誥勅制勅房分直者無常員監生三十五人

中書舍人無正貳印屬資深者掌書誥勅冊符鐵券
凡草請翰林院實請諸內府左券實籍歸諸古今通
集庫凡誥勅勘合籍以急就章為號凡誥勅之號四
曰仁曰十二支曰文行忠信曰千字文字以千號為
滿滿則續

太醫院國初為醫學提舉司改太監監又改太醫院
設院使同知典簿洪武十四年定為正五品更設太
醫院令丞吏目御監如文職授散官二十二年復院

令爲院使丞院判內府又有御藥房嘉靖中改爲聖濟殿

太醫院院使一人院判二人其屬吏目一人御鑒十八人所屬衙門惠民藥局大使一人副使一人生藥庫大使一人副使一人吏九人

太醫院使掌醫療之法院判爲之貳凡鑒術十三科醫官醫士醫生專科習業曰大方脉曰小方脉曰婦人曰瘡瘍曰鍼灸曰眼曰口齒曰接骨曰傷寒曰咽

喉曰金鏃曰按摩曰祝由凡聖濟殿耆直擇術業精
通者供事凡烹調御藥同內官監視合二服為一候
熟均二器其一堂屬官繼嘗之內官又嘗之其一進
御凡醫家子弟擇師而教之三年試之或五年試之
再試三試之而黜陟之凡藥材辨其土所宜擇其良
者而進焉按摩以消息導引之法除八疾祝由以
呪禁祓除邪魅之為厲者二科今無傳

欽天監正五品初名太史監誤太史令通判僉判校

事郎五官正劉基為太史令兼太子率更令後改為
院設院使同知院判五官正典簿兩場司時序郎紀
候郎基又為院使洪武元年改為司天監設監令少
監監丞主簿主事五官正副監候司晨漏刻博士又
置回回司天監設監令少監監丞三年始改欽天監
四年改監令為政儀大夫少監分朔大夫五官正司
玄大夫監丞靈臺郎五官保章正平秩郎五官靈臺
郎司正郎挈壺正挈壺郎諸散官十四年再定品員

散官給授如文官二十二年改監令監丞為監正監副三十一年革回回監回回厯法隸焉

欽天監監正一人監副二人其屬主簿一人春夏秋冬中官正各一人五官靈臺即四人五官保章正二人五官挈壺正一人五官監候二人五官司厯二人五官司晨二人漏刻博士二人吏四人

監正掌察天文定厯數監副為之貳凡日月星辰風雲氣色之變異率其屬而占候焉密疏上凡玄象圖

書非其職不得預凡習業者分爲四科曰天文曰漏
刻曰回回曰曆自五官正下至天文生陰陽人各專
科肄爲凡觀象登臺臺四面面四人凡歲大統曆御
覽月令曆七政躔度曆六壬遁甲曆並先期奏行下
凡曆註上曆三十事民曆三十二事壬遁曆六十七
事凡歲祭日先一歲會選奏上凡營建師旅冠婚陵
寢選地擇日凡立春先期候氣於東郊凡大朝賀設
定時鼓於文樓報時雞鳴擊鼓各供其事凡日月交

食先期算其分秒時刻起復方位上聞下禮部移內
外諸司救之按占書條奏食不及一分回回曆雖一
分以上奏而不救凡四季天象占驗曆御覽天象錄
以時奏上凡疇人世業立師而教之之人移禮部訪
取試用之五官正專理曆法造曆司曆監候佐之靈
臺即辨日月星辰之躔次分野以占候天文之變凡
瑞星妖星瑞氣妖氣考諸雜占保章正專志天文之
變辨其吉凶之占挈壺正知漏刻孔壺為漏浮箭為

刻以考中星昏明之候漏刻博士凡定時以漏更時以牌報更以鼓警晨昏以鐘鼓司佐之

行人司洪武十九年置正九品設行人左右行人尋改行人為司正左右行人司副更設行人三百四十五人二十七年改正七品定行人員三十六人建文中并行人司於鴻臚寺請難後復故

行人司司正一人司副二人行人三十六人監生四人吏一人

司正司副行人職事奉使之事凡頒行詔敕冊封宗藩撫諭蕃夷徵聘才賢及賞賜慰問賑濟軍旅祭祀叙差爲凡法司謫戍囚徒送五府者填精徵繳內府上林苑監洪武二十五年議開上林苑比圖上上曰妨民業不可遂止永樂五年始設今上林苑監立五品其屬良牧蕃育嘉蔬林衡川衡冰鑑典察左右前後凡十署各設典署丞錄事洪熙元年以蕃育兼良牧川衡嘉蔬兼冰鑑林衡典察四署皆并蕃育嘉蔬

宣德十年定蕃育嘉蔬良牧林衡四署

上林苑監左右監正各一人左右監副各一人左右
監丞各一人其屬典簿一人良牧蕃育林衡嘉蔬四
署各典署一人署丞一人錄事二人吏六人

監正掌苑囿園池牧畜種樹之事副丞為之貳凡禽
獸草木蔬果率其屬督其養戶栽戶以時經理其養
地栽地而畜植之以供祭祀賓客官府之膳羞凡苑
地東至白河西至西山南至武清北至居庸關西南

至渾河並禁圍獵典簿勾校文移良牧牧牛羊豕蕃
育育鵝鴨雞皆籍其牝牡之數而課孽卯為林衡典
果實花木嘉蔬典時藝瓜菜皆計其畦町樹植之數
而以時苞進焉

中東西南北城兵馬指揮司國初設兵馬指揮司都
指揮副都指揮知事尋改兵馬指揮司指揮使副指
揮知事城門設兵馬洪武十年改為指揮副指揮華
知事二十三年定為兵馬指揮司正六品建文中改

為五城兵馬司指揮副指揮為兵馬副兵馬靖難後復故

兵馬指揮司各指揮一人副指揮五人其屬吏目一人吏六人

指揮掌巡捕盜賊街道溝渠囚犯火禁之事副指揮為之貳吏目受事發辰

京衛武學洪武二十年禮部請立武學開武舉不許曰是岐文武為二道也建文四年始置京衛武學教

授一人啓忠等十齋各訓導二人請難後革正統中
復設教授一人訓導六人掌教京衛幼官及應襲舍
人以待科舉武舉會舉而聽於兵部

南京百官守備叅贊機務為要重守備以侯公伯兼
領南京中軍都督府事協同守備以侯伯都督得領
五府事孝陵奉祀禮或守備或協同守備大抵戚畹
勲舊也叅贊機務以南京兵部尚書治所在中府成
祖初改北平為北京往來巡守仁宗時為皇太子監

國南京宣宗為皇太孫撫軍從行成祖出塞監國於
北永樂二十二年秋皇太子即位命襄城伯李隆鎮
守南京駙馬都尉沐昕同鎮守洪熙元年又以內臣
守備南京是年南京地三月九震特遣太子往南京
以祭告皇陵孝陵為名實有監國之命四月發北京
六月還京師即帝位宣德五年改鎮守為守備命大
宋駙馬西寧侯琥守備南京景泰元年又以都督僉
事趙倫協同守備琥後豐城侯賢寧遠伯禮平江侯

豫魏國公承宗成國公儀魏國公輔成國公輔魏國
公鵬舉撫寧侯麒鎮遠侯襄相繼守備不必魏國公
也宣德十年英宗卽位命少保南京戶部尚書黃福
叅贊機務叅贊機務自福始黃公後南京兵部左侍
郎徐琦叅贊機務歷十年陞尚書理部事靖遠伯王
驥兼南京兵部尚書稱總督機務代琦成化十一年
南京吏部尚書崔恭十三年南京右都御史王恕相
繼叅贊機務不必兵部尚書也十五年南京兵部尚

書薛遠代恕叅贊機務之必兵部尚書也自遠始也
嘉靖初王守仁以新建伯兼南京兵部尚書叅贊機
務不得稱總督如靖遠伯

南京叅贊機務守備文武大臣掌皇城京城畿甸留
守之事以時行視陵廟凡大小教場練將士新江口
肄水軍神機營習火器以時督察之官軍騎數歲一
報地圖文冊三歲一報諸江關浦口歲再遣人行視
之軍器歲製貢舟均其差遣而嚴輯之武學課業旗

役併鎗程督而監視焉盜賊歲更官行緝屯田請專
官行視凡便宜事會九卿五府議請上又有操江都
御史一人巡江御史五人專職江防

南京宗人府經歷司經歷一人

吏部尚書一人侍郎一人郎中四人主事四人司務
一人

戶部尚書一人侍郎一人郎中十三人員外郎十八
主事十七人司務一人照磨一人

禮部尚書一人侍郎一人郎中四人主事二人司務
一人

兵部尚書一人侍郎一人郎中四人員外郎二人主
事五人司務一人

刑部尚書一人侍郎一人郎中十三人員外郎五人
主事十四人司務一人照磨一人司獄二人

工部尚書一人侍郎一人郎中四人員外郎二人主
事八人司務一人

都察院右都御史一人右副都御史一人右僉都御史一人監察御史三十二人經歷一人都事一人司務一人照磨一人司獄二人

通政司右通政一人右叅議一人經歷一人

大理寺卿一人右寺丞一人左右寺正各一人左右評事各三人司務一人

太常寺卿一人少卿一人典簿一人博士一人協律郎二人贊禮郎七人司樂二人奉祀三人祀丞三人

光祿寺卿一人少卿一人典簿一人署正四人署丞
四人

太僕寺卿一人少卿二人寺丞二人主簿一人寺在
滁州

詹事府主簿一人

國子監祭酒一人司業一人監丞一人典籍一人博
士三人助教六人學正五人學錄二人典籍一人掌
饌一人

應天府府尹一人府丞一人治中一人通判二人推官一人

鴻臚寺卿一人主簿一人署丞二人鳴贊二人序班九人

翰林院學士或侍講讀一人孔目一人

尚寶司卿一人

六科給事中六人管冊戶科給事中一人

太醫院院判一人吏目一人

欽天監監正一人主簿一人

行人司司副一人

五城兵馬司指揮五人副指揮八人吏目五人

承宣布政使司國初為行中書省或分中書省六部

尚書往往出為叅知政事叅政入為尚書洪武九年

八月詔改浙江江西福建北平廣西四川山東廣東

河南陝西湖廣山西諸省為承宣布政使司正二品

十三年改正三品十五年置雲南布政司二十二年

改從二品建文中革左右布政使設布政使一人堂
上官各陞品一級靖難後復故永樂五年置交趾布
政使十一年置貴州布政司宣德三年罷交趾布政
司

承宣布政使司左右布政使各一人左右叅政各一
人左右叅議各一人叅政叅議因事添設無定員其
屬經歷司經歷一人都事一人照磨所照磨一人檢
校一人理問所理問一人副理問一人提控案牘一

人庫局各大使一人副使一人陝西四川有茶馬司
大使一人副使一人吏人

布政使掌一省之政叅政叅議為之貳朝廷有德澤
禁令承而播之以先有司三年率府州縣掌印及首
領官朝覲於京師陳其屬吏之臧否而聽去留焉十
年造戶版以登民數田數歲貢學生府州縣衛有差
三歲鄉試貢士宰室官軍師生以時班其祿俸廩糧
祀典神祇謹其時祀水旱疾疫災傷請免田租賑貧

之孝弟行義貞烈請表揚之鰥寡孤獨有養凡供邦
國之用曰貢曰賦貢有二曰常貢曰暫貢賦有二曰
本色曰折色凡役二曰力役曰雇役皆視其土地豐
瘠人民多寡而會計之下府州縣必均乃已凡出納
錢穀必平凡制用必節凡僚屬文武官歲察其臧否
而上下其考以報於撫按以達於吏部兵部都察院
凡諸政務議定而請於撫按有總督提督亦如之曰
清軍曰分守曰督糧曰邊備曰撫民各專事焉官不

備則兼領之凡萬壽聖節一朝賀于京師大婚大喪立東宮亦如之天子即位則左布政使來見經歷典出納文移都事佐之照磨典磨勘卷宗檢校佐之理問典刑名凡因出入謹籍其數以聽於司凡因必審輕重別其寢處病與餒必報司療而飼之獄之曲直疑允上官下理問則得辨而請焉目嚴局鑰察械繫副理問提控案牘佐之庫大副使典守庫藏局大副使典營繕茶馬司典茶馬交易之事

提刑按察司甲辰年十一月初置於湖廣道正三品
談提刑按察使僉提刑按察司事丙午令僉事周頌
等定議按察事宜條具憲綱洪武元年浙江江西湖
廣三提刑按察使李祥潘黼滕毅充議律官上大明
令十年改正四品十三年罷各道按察司明年復遂
定各道按察分司以儒士王存忠等五百三十一人
爲試僉事人按二縣諭之曰治吏之弊莫甚於貪墨
而庸鄙者次之今天下府州縣官於斯二者徃徃有

之是以弊政日滋民受其害故命爾等按治其地凡
官吏賢否軍民利病皆得廉問糾舉二十年改按察
分司為四十一道二十二年復正三品三十年始置
雲南按察司建文中改按察司為十三道肅政按察
司靖難後復故永樂五年置交趾按察司後罷

提刑按察司按察使一人副使二人因事添設無定
員僉事亦如之其屬經歷司經歷一人知事一人照
磨所照磨一人檢校一人司獄司司獄一人吏人

按察使掌一省刑名按劾之事糾察官邪擒治貪酷
禁詰強暴平讞刑獄雪理冤枉以振揚風紀副使僉
事為之貳凡僚屬文武官歲察臧否而上下具考以
告撫按以達於吏兵部都察院凡省大事暨都布二
司叅議凡朝覲慶賀吊祭之禮視布政司副使僉
事分巡提學兵備撫民巡海清軍屯田水利治河驛
傳各專事為官不備則兼領之凡分巡浙江二道浙
東浙西江西五道南昌湖東湖西九江嶺北福建四

道福寧建寧武平漳南湖廣五道武昌湖南湖北荆
南荆西河南四道大梁河北河南汝南山東三道濟
南東兗海石山西四道冀寧冀南冀北河東陝西六
道關內河西關南隴右西寧關西四川四道川東川
西川南川北廣東五道嶺南嶺東嶺西海南海北廣
西四道桂林蒼梧左江右江雲南四道普安臨沅金
滄洱海貴州四道貴寧新鎮安平思仁經歷典出納
文移知事佐之照磨典磨勘卷宗檢校佐之司獄守

獄

都轉運鹽使司西平年初置於兩淮吳元年置於兩
浙洪武二年置於河東陝西河間長蘆福建五年置
四川納谿白渡二鹽馬司及四川茶鹽都轉運司及
明年又革茶鹽都轉運司十三年定都轉運司正四
品後改從三品鹽課提舉司亦始國初已漸增設建
文中改廣東鹽課司為都轉運鹽使司又有煎鹽提
舉司革儒學惟河東有之制如府

都轉鹽運使司都轉運使一人同知一人副使一人
判官無定員其屬經歷司經歷一人知事一人庫大
使一人副使一人所屬衙門鹽課司批驗所鹽倉各
大使一人副使一人吏人

都轉運使掌驛事以聽於戶部同知副使判官為之
貳凡常賦存積之鹽以時征而貯之以待商人種支
以供邊儲京帑之用凡分司鹽課司鹽倉批驗所各
以僚屬分任其事而都轉運使總領之糾禁私煎私

買賣窩買窩諸奸弊謹受巡監御史之政令而申勵
焉經歷典出納文移知事佐之

鹽課提舉司提舉一人同提舉一人副提舉無定員
其屬吏目一人庫大使一人副使一人所屬衛門鹽
課司批驗所鹽倉各大使一人副使一人吏一人
提舉掌鹽課之事以聽於戶部其職如都轉運使僚
屬亦如之

行太僕寺洪武三十年置於山西北平陝西遼東行

太僕寺卿一人少卿一人寺丞無定員其屬主簿一人吏人

卿掌馬牧之事而聽於兵部少卿寺丞為之貳凡邊衛營堡府州縣軍民壯騎操馬印烙課校孳牧以時督察之凡馬種牡十二牝十八馬金地畝十七椿朋十三凡馬瘠耗罰俸罰馬降級出革懲董之藩臬不得預馬事考馬官苑馬寺亦如之主簿典守籍牒苑馬寺永樂四年置於陝西甘肅六年入置於北平

十六年并入行太僕寺遼東亦有苑馬寺

苑馬寺卿一人少卿一人寺丞無定員其屬主簿一人各監牧監正一人監副一人錄事一人團長一人吏人

卿掌馬牧之事而聽於兵部少卿寺丞為之貳凡馬種上苑萬匹中苑七千下苑四千不及則銀市茶易為凡牧地曰草場曰荒地曰熟地嚴其禁令而封表之凡牧人曰恩軍曰隊軍曰改編之軍曰充發之軍

曰召募之軍曰抽選之軍皆籍而食之凡馬駒二年
一科十八年而免定駒頭駒重駒籍而報之有常期
凡虧駒有罰主簿如行太僕寺監正領苑監之事監
副佐之錄事守籍牒園長率羣長而修牧事

府洪武六年定為三等賦二十萬石上為上府從三
品二十萬下中府正四品十萬下下府從四品已而
並為正四品

司府州縣學教官洪武二年十月辛卯詔郡縣立學

校曰古昔帝王育人材正風俗莫先於學校自元入
主中國夷狄腥羶污染華夏學校廢弛人紀蕩然加
以兵亂以來人習鬪爭鮮知禮義今朕統一天下復
我中國先王之治宜大革風以興治教今雖內設國
子監恐不足以盡延天下之俊其令天下郡縣並建
學校以作養士類師生月廩食米八六斗有司給魚
肉學官月俸有差學者專治一經以禮樂射御書數
該科分教務求實才頑不率者黜之八年立社學是

年命御史臺選國子生分教北方建文中罷北平山東河南山西陝西五省及江北學校貢士請難後復故

府知府一人同知一人通判一人推官一人因事添設同知推官或二人通判至五人其屬經歷司經歷一人知事一人照磨所照磨一人檢校一人司獄司司獄一人所屬衙門儒學教授一人訓導四人倉稅課司分司雜造織染局各大使一人副使一人陰陽

學正術一人鑒學正科一人僧綱司都綱一人副都
綱一人道紀司都紀一人副都紀一人有巡檢司批
驗茶鹽引所水馬驛遞運所河泊所草場者司巡檢
一人批驗所大使一人驛驛丞一人遞運所大使一
人河泊所所官一人草場大使一人吏 八

知府掌教養郡民之事同知通判推官爲之貳賓興
科貢均平賦役崇慎祀典禁詰奸頑表異良善訊聽
刑獄審達冤滯存恤困窮糾察吏治而上下其考以

告於撫按藩臬達於吏部務知百姓之疾苦若藉帳
軍匠轉驛馬牧倉庫盜賊河渠溝防道路之事雖有
專官皆知府領之而綜督焉凡朝慶賀弔祭直隸府
得直達省府視布政司凡詔赦例令勘創至謹受以
下於屬凡屬之政皆受約束於府府劑量重輕為之
出令大者白於撫按及藩臬議允而行之同知清軍
匠或兼巡捕通判管糧戰盜治農修河牧馬推官理
刑名分職任事經歷典出納文移知事佐之照磨典

磨勘卷宗、檢校佐之、司獄典獄如按察司教授掌教
生徒訓導佐之、凡生徒康膳增廣各四十人、附學無
數、凡學政遵臥碑提學憲臣中飭之責、提調於府教
授訓導必謹受之、凡學官視鄉舉人爲歛、最凡郡禮
儀事、學官司之、稅課司典稅、凡商僧屠市皆有常征
以時權之而輸直 買田宅操券契出直

百之三、請印而 之庫守藏、凡縣歲輸及雜賦若諸
贖金悉登籍倉典粟、凡民賦軍屯之入及諸司贖穀

俸祿糧米並收支馬織染局典織造凡歲幣有常數
絲與練染之費並給於府會其數而籍之幣成覆於
府而納於內部若宣索非局所常業者府市之以供
上巡檢控要害譏察異常姦宄竊發則應時捕擊以
聽巡捕之令三年計其捕偽印強竊盜逃軍囚民以
爲上下考批驗茶鹽引所典茶鹽引由稽其奸冒而
慎防之驛遞典傳郵迎送之事凡舟車夫馬廩糗庖
饌裋褐皆取給於丁田受於府而籍其出入河泊所

典魚課草場受牧馬芻粟陰陽學司占候天文昏漏
日月食則供救事醫學司方藥診療人民僧綱領僧
人道紀領道士凡救日月食請雨請霽祀厲壇綱紀
則謹率其徒施其教事凡春秋奏樂於先師則以道
童充樂舞生

州凡直隸畿府各省及屬府者並從五品

州知州一人同知一人判官一人里不及三十而無
屬縣裁同知判官有屬縣裁同知因事添設專設無

定員其屬吏目一人所屬衙門儒學學正一人訓導
三人陰陽學典術一人醫學典科一人僧正司僧正
一人道正司道正一人稅課局大使一人副使一人
有巡檢司驛遞間壩批驗所河泊所倉庫場者設官
如府吏 人

知州掌教養州民之事同知判官為之貳凡諸州務
上視府下視縣以月計上府以歲計上省以三歲之
計上吏部同知清軍匠或兼巡捕判官督糧管馬捕

監治農管河分職任事而領於知州吏目典出納文
移或分領州事儒學生徒原膳增廣各三十人附學
無數學正訓導職如府學開官主啓閉蓄洩壩官典
守隄防各率其役以通舟楫之利諸所屬衙門如府
者職亦如之

縣吳元年定縣三等賦十萬石以下為上縣知縣從
六品六萬以下中縣正七品三萬以下下縣從七品
已而改並正七品京縣正六品

縣知縣一人、縣丞一人、主簿一人、不及二十里、裁縣丞、主簿、因事添設、無定員、其屬典史一人、所屬衙門、儒學教諭一人、訓導二人、陰陽學訓術一人、醫學訓科一人、僧會司僧會一人、道會司道會一人、有巡檢司、稅課局、驛遞、開墾、批驗所、河泊所、倉庫、場者、設官如州吏人

知縣掌教養縣民之事、縣丞主簿為之貳、凡諸縣務如州、而縣尤親民、歲貢學生、聽試於提學憲、三歲

貢士聽選於鄉試、歲撥實徵十歲造黃冊、民之賦役、視丁與產爲差、賦歲二征、役歲一征、賦有粟賦、金賦、布帛及諸貨物之賦、役有力役、產役、借倩不時之役、皆視其天時休咎、地利豐耗、人力貧富、必調劑而均節之、若歲大歉、中歉、請於府於省於撫、按藩臬而時蠲減焉、無幸富強、苦貧約、凡詞訟必詢其情理、考諸律例而決之、有不服、聽陳於上、爲雪理焉、凡養老祀神、表善賑饑恤窮、通貨之事、時省而教行之、凡山海

澤數之產資國用者按籍而貢焉凡無人在官者常
賦責糧頭大戶追攝若雜征責里長教讀教鄉塾老
人勾勘民間細事總甲邏察市里弓兵民壯之後執
防捕縣丞管馬管河管糧主簿巡捕分職任事而領
於知縣典史典出納文移或分領縣事儒學生徒廩
膳增廣各二十八附學無數教諭訓導職如州學諸
所屬衙門如州者職亦如之無人在官者州亦如縣
市舶提舉司洪武初設太倉黃渡市舶司尋罷又設

於福建浙江廣東七年九月罷後復故

市舶提舉司提舉一人副提舉二人其屬吏目一人
所屬衙門驛丞一人吏一人

提舉掌海夷朝貢市易之事副提舉為之臧辦其使
人表文勘合之真偽禁通番征私貨閑其出入而慎
館穀之吏目典出納文移驛丞寓夷使僕豐其食餼
帳幕而上下其等必周防之

巡檢司始於洪武中當時每裁冗巡檢後增置漸多

驛遞洪武元年設水馬站及遞運所尋改站為驛河
泊所洪武十五年定歲課米五十石上官三人千石
上一人後並一人

襲封衍聖公孔氏北宗也洪武元年先師五十六代
孫希學來朝詔襲封衍聖公正二品印誥視一品其
屬管勾一人典籍一人司樂一人八年以克仲為世
曲阜知縣又立孔顏孟三氏教授司教授一人學錄
一人學司一人宣德七年以克晏為三氏學錄浙東

平陽有孔克表者於希學為父行洪武六年以為翰林院修撰兼編修久之與世襲翰林院五經博士景泰二年願孟程朱之後皆與世襲翰林院五經博士嘉靖中又訪求曾子後

公侯伯凡三等以封功臣及外戚皆有流有世並給鐵券高廣凡五等號凡三等佐高皇定天下曰開國輔運推誠佐成祖曰奉天靖難推誠餘曰奉天翊運推誠其武臣也曰宣力功臣文臣曰守正文臣歲祿

視功有差已封而又有功者仍爵或進爵加祿其才
而賢也充京營總督五軍都督府掌印僉書守備留
都出充總兵官鎮守否食其祿其襲替徵券誥諭功
過覈適孽幼而嗣者學於國于監有過革冠服學於
國于監坐罪奪祿重奪爵

駙馬都尉位次於侯凡尚公主長公主大長公主並
稱駙馬都尉尚郡主縣主郡君縣君鄉君並稱儀賓
食祿有差皆不得預政事國初駙馬或典兵鎮守李

堅副總兵封欒城侯自後多署宗人府事嘉靖初崔元以迎駕封京山侯

五軍都督府國初置統軍大元帥府樞密院甲辰革樞密總管萬戶定為指揮千百戶總小旗又革都護統軍元帥萬戶府辛丑立大都督府正一品以朱文正為大都督節制中外諸軍事又設左右都督都督同知都督僉事及斷事官洪武十三年分中左右前後五軍都督府正二品尋改正一品又設左右斷事

官十五年置五軍十衛叅軍府二十三年置五軍斷
事司曰稽仁稽義稽禮稽智稽信建文中華斷事官
及五司官又令武官襲替兵部同五府取旨靖難後
復舊官而斷事五司遂不復設永樂元年置行後軍
都督府於北京已而分五府稱行在某軍都督府罷
行後軍都督府十八年除行在在應天者加南京字
洪熙元年復稱行在仍設行後軍都督府宣德三年
又革行後軍都督府正統六年復除行在凡公侯伯

及三等真署都督並得充總兵副總兵其名掛印將軍稱鎮守者雲南征南將軍兩廣征蠻將軍湖廣平蠻將軍遼東征虜前將軍宣府鎮朔將軍大同征西前將軍延綏鎮西將軍寧夏征西將軍甘肅平羌將軍薊州淮安鎮守漕運總兵以畿內故不得掛印稱將軍有大征討遣總兵則掛平賊將軍平胡將軍平虜將軍征夷將軍征虜將軍討賊將軍或大將軍或前將軍副將軍事已納印

中左右前後五軍都督府府左右都督各一人都督同知二人都督僉事二人恩功寄祿無常員其屬經歷司經歷一人都事一人監生五十人吏一百四十五人

都督掌軍旅公侯伯及三等都督領之貳亦如之各領其都司衛所以達於兵部凡武職流官世官土官襲替優給優養所衛都司上府引奏送兵部請選既選移府下都司衛所凡首領官聽吏部者選授給由

亦如之凡武職誥勅旗役併鎗水陸步騎操練俸糧屯種器械舟車賞賜聲息軍情清勾替補邊腹畫圖貼說薪炭荆葦之事分移所司而綜理之經歷典出納文移都事佐之

在京上二十二衛曰錦衣曰旗手曰金吾前曰金吾後曰羽林左曰羽林右曰府軍曰府軍左曰府軍右曰府軍前曰府軍後曰虎賁左是為上十二衛曰金吾左曰金吾右曰羽林前本北平三護衛曰燕山左

曰燕山右曰燕山前曰大興左曰濟川曰通州本北
平都司衛是為上十衛凡二十二衛右親軍指揮使
司曰驍驍左曰驍驍右曰武驍左曰武驍右是為四
衛亦曰親軍指揮使司曰武功中曰武功左曰武功
右以匠故隸工部曰永清左曰永清右曰彭城三衛
長陵京陵獻陵裕陵茂陵太陵康陵七衛為陵衛並
不隸都督亦不稱親軍曰留守左藩陽左藩陽右驍
騎右鎮南龍虎六衛隸左府留守右虎賁右武德三

僉事正副千戶任之充營官者亦如之不足任事入
隊曰帶俸差操凡官有定員功陞日衆視原額增不
常十九凡世流襲替優給優養隸都督府者上府移
兵部親軍衛直達兵部凡入營者聽京營文武大臣
督理衛有經歷一人牧馬千戶所蓄牧千戶所奠靖
千戶所各有吏目一人經歷吏目典出納文移或有
牧糧經歷一人倉大使副使各一人於京倉通倉牧
支漕粟凡吏若干人南京五軍都督府用公侯伯都

都同知僉事府三人經歷都事各一人孝陵衛親軍
錦衣等衛隸府留守中等衛各有指揮使同知僉事
衛鎮撫正千戶副千戶所鎮撫百戶試百戶無常員
經歷各一人所或有吏目一人

都指揮使司國初為翼元帥府又改為行都督府省
城或稱都衛都鎮撫司八年改都衛及行都督府為
都指揮使司二十年置大寧都指揮使司二十一年
改為北平行都指揮使司永樂元年復為大寧都指

揮使司移之保定而弃其地界采顏諸戎永樂五年
置交趾都指揮使司宣德二年弃與安南今都指揮
使司十六曰浙江江西福建廣東廣西湖廣河南山
東山西陝西四川貴州雲南大寧萬全遼東行都指
揮使司五四川陝西湖廣福建山西留守司二曰中
都曰興都中都領皇陵衛即英陵興都領顯陵衛外
衛及護衛三百七十五守禦屯田羣牧千戶所三百
七十儀衛司三十二

都指揮使司都指揮使二人都指揮同知二人都指揮僉事四人其屬經歷司經歷一人都事一人斷事一人副斷事一人吏目一人司獄司司獄一人行都指揮使司亦如之吏一人

都指揮使司掌官軍之政令各率其衛所以隸於五府而聽於兵部凡都司並流官或得世官歲撫按察其賢否五歲考選軍政而廢置之使同知僉事常以一人統司事曰軍政掌印一人練兵一人屯田曰軍

政僉書巡捕軍器漕運京操備禦諸雜務並選充之
曰見任管事否曰帶俸凡備倭守備行都指揮事者
不得升牙公座凡朝廷吉凶之禮視布政司經歷典
出納文移都事為之貳斷事理刑獄副斷事為之貳
吏目從之司獄守獄

留守司正留守一人副留守二人指揮同知二人其
屬經歷司經歷一人都事一人斷事司斷事一人副
斷事一人吏目一人司獄司司獄一人吏一人

正留守掌中都興都守護防禦之事副留守指揮同知為之貳凡諸政務如都指揮使司經歷斷事司獄亦如之

外衛指揮使司指揮使一人指揮同知二人指揮僉事四人衛鎮撫二人陞授改調增置無定員其屬經歷司經歷一人知事一人有衛學設教授一人訓導三人有驛遞運所陰陽醫學僧綱道紀司者設官視府

指揮使司掌軍旅防禦之事使同知僉事考選掌管
衛事凡世流襲替優給優養報都指揮使司達所隸
都督府移兵部每歲藩臬撫按察其賢否五歲一考
選軍政廢置之一人統衛事曰軍政掌印一人練兵
一人屯田曰軍政僉書京操巡捕出哨備禦軍器漕
運諸雜務曰見任管事編諸行伍曰帶俸差操凡撥
軍補軍替軍選軍募軍並統於掌印凡城池時年浚
之度其財力軍十三民十七鎮撫掌刑獄經歷典出

納文移知事佐之軍民指揮使司亦如之

千戶所正千戶一人副千戶二人所鎮撫二人百戶
十八陞授改調增置無定員

正副千戶選一人掌印一人僉書曰管軍千戶百戶
不能皆賢一人常攝數印並選充如衛凡治軍之政
必聽於衛衛下千戶所千戶督百戶百戶下總旗小
旗率其伍卒以聽所鎮撫無獄事管軍百戶缺則代
之守禦千戶所軍民千戶所並如千戶所其屬吏目

一八

僧錄司洪武元年置善世院以僧慧曇掌釋教事十四年革明年改僧錄司正六品道錄司洪武元年置玄教院以道士經善悅為真人領道教事十四年革明年改道錄司正六品度僧道五萬七千二百人禮部言往代度牒弼錢資國用名免丁錢上曰罷着為令七年禁度尼姑女冠二十四年初清理釋道曰佛本異教漢時至自西域當時士民崇敬後有去鬚髮舍

兒童出家者其修行去色相絕嗜慾潔身為善道教
始老子至漢張道陵以異術役召鬼神禦災捍患二
教歷世久不磨滅者以此今學佛老者皆不循其本
俗妨教敗行為害甚大自今天下僧道凡各府州縣
寺觀雖多但存一寬大所併居之母淆處民間願還
俗者聽佛經番譯已定毋得增減道士設齋醮毋拜
奏青詞為孝子慈孫演誦經典報祖父母父母者各
遵頒降科儀毋妄立條章索民財民有做瑜珈教稱

善友假張真人私造符錄者並重治二十八年令天下僧道赴京考試不通經典者黜之

僧錄司左右善世左右闡教左右講經左右覺義各一人道錄司左右正一左右演法左右至靈左右玄義各一人分領僧道事凡僧三等曰禪曰講曰教道二等曰全真曰正一凡朝朔望班西墀慶賀頒詔班東墀凡祭祀不得預三茅山又有靈官副靈官龍虎山有真人洪武初張天師四十二代孫正常以正一

主敎天師來朝上曰天豈有師乎改號真人十三年
賜龍山正一玄壇之印印如二品制凡方士道士以
術幸者賜號高士真人

王府官洪武二年定王相府左右相各一人正二品
左右傳各一人從二品叅軍府叅軍一人錄事二人
紀善一人未幾申定王府官制王相府左右相正二
品王傳府文武傳從二品叅軍府叅軍一人錄事二
人紀善一人未幾申定王府官制相傳如故叅軍司

叅軍錄事儀衛正副審理典籤典祠典膳典服典工
典醫典牧紀善並有正副又有引禮舍人八年改叅
軍爲長史九年定王相府左右相二人武相一人文
相一人左右傳二人武傳一人文傳一人長史二人
錄事二人罷王傳府及典籤司諮議官護軍府增伴
讀四人侍講四人選明經慎行之士任之是年秦王
府武傳耿炳文兼陝西行省右丞郭子興兼陝西行
都督府僉事晉王府武傳汪興祖兼山西行都督府

同知位武傳謝德成之上華雲龍為燕相府左相顧
時為秦相府右相雲龍領北平行中書省叅知政事
時陝西右丞十三年罷諸王相府設長史司左右長
史各一人正五品二十八年置靖江王府諮議所尋
亦改為長史司建文中增親王官賓輔二人正三品
伴講伴讀伴書各一人長史一人左右長史各一人
審理正典膳正奉祠正良醫正典寶正並去正字審
理副等改為副審理等郡王賓友二人正四品教授

一人記室二人直史一人左右直史各一人吏目一人典印典祠典禮典饌典藥五署典印典祠典禮典饌典藥各一人典儀二人引禮舍人二人儀仗司吏目一人賓輔三伴賓友教授進對侍坐稱名不稱臣見禮如賓師請難後復故

長史司左長史一人右長史一人其屬典簿一人所屬衙門審理所審理正一人審理副一人典膳所典膳正一人典膳副一人奉祠所奉祠正一人奉祠副

石印
卷二
一人典樂一人典寶所典寶正一人典寶副一人紀
善所紀善二人良醫所良醫正一人良醫副一人典
儀所典儀正一人典儀副一人引禮舍人一人工正
所工正一人工副一人倉大使一人副使一人伴讀
一人教授一人典膳一人鎮國將軍乞教授一人吏
人

長史掌王府之政令輔相規諷以匡王失王府請名
請封請婚及諸乞恩澤若陳謝進獻表啓書疏長史

為奏上下禮部議請王有過詰長史凡府寮皆統於
長史紀綱其職務典簿典出納文移審理正掌推按
刑獄禁詰暴橫無干國憲典膳正掌祭祀賓客王妃
膳羞之事奉祀正掌祭祀之事典寶正掌王寶及符
牌並副為之貳紀善掌諷導禮法開諭古誼及國家
恩義大節以詔王善良醫正掌療治疾病典儀正掌
陳儀式文物之事工正掌宮邸廨舍繕造修葺工役
之事並副為之貳伴讀侍從起居陳說經史教授訓

迪德誼興校典藉引禮舍人接對賓客贊相威儀倉
掌祿俸糧廩庫掌收藏金帛錢貨郡王教授典膳將
軍教授如王教授典膳

護衛指揮使司使同知僉事衛鎮撫所正副千戶所
鎮撫百戶並如衛掌儀從王邸防禦非常凡有征行
必聽命於朝廷

儀衛司儀衛正一人儀衛副二人典儀六人儀衛正
掌侍衛儀仗之事副為之貳典儀仗聽命焉

內官平吳之歲置內使監洪武二年諭吏部定內侍
諸司官曰朕觀周禮所記未及百人後世至踰數千
卒為大患今雖未能復古亦當為防微之計古時此
輩止治酒漿醯醢司服守祧事今朕亦不過以備使
令非別有委任可斟酌其至毋令過多又顧侍臣曰
此輩自古以來求其善良千百中不一二見若用為
耳目即耳目蔽矣用為心腹即心腹病矣馭之之道
但常戒勅之畏法不可使之有功有功則驕恣畏法

則檢來檢來則自不敢為非乃定置內使監奉御凡
六十人尚寶一人尚冠七人尚衣十人尚珮九人尚
履八人尚藥七人紀事二人執膳四人司脯二人司
香四人太廟司香四人涓潔二人尚酒尚醋尚麵尚
漆四局局正一人副二人御馬御用二司司正一人
副二人內府庫大使一人副使二人內倉監令一人
丞二人及置東宮典璽典膳典服典藥典兵典乘六
局各局郎一人丞一人又置門午門東華門西華門

玄武門奉天門左右順門左右紅門皇宮門坤寧宮
左門宮右門各門正一人副一人東宮春和門宮後
門宮左門宮右門各門正一人副一人逾年又命吏
部定品秩內使監令正五品授中衛大夫丞從五品
侍直大夫皇門官門正局正司正東宮門正局正正
六品內侍即門副尚寶奉御局副東宮門副局丞從
六品內直郎尚冠等奉御內府庫大使內倉監令正
七品正奉郎庫副使倉丞從七品正衛郎王府承奉

門正所正從六品內直郎承奉副門副所副正七品
正奉郎上因謂侍臣曰古之官豎在宮禁不過司晨
昏供役供使而已自漢鄧太后以女主稱制不接公
卿乃以閹人為常侍小黃門通命自此以來權傾人
主及其為患如城狐社鼠不可去朕謂此輩但當服
事宮禁豈可假以權勢縱其狂亂吾所以防之極嚴
但犯法者必斥去之不令在左右戒履霜堅冰之意
也五年六月詔定宦官禁令六年令禮部議考糾劾

內官之法置內正司司正司副各一人正從七品專糾內官失儀不法者尋改為典禮司又改典禮紀察司九年又置王府典膳典珍二所以中官流官為之十七年更定內臣諸監局庫品職公主府初設家令司令丞錄事二十三年改中使司二十八年頒皇明祖訓遂為定制云

內官監門司局庫分職掖庭凡監十一曰神宮監掌灑掃曰尚寶監掌玉寶勅符將軍印信曰陵神宮監

掌灑掃并栽種等事曰尚膳監掌供養及玉膳并宮
內食用之物及催督光祿寺造辦宮內筵宴茶飯曰
尚衣監掌御用冠冕袍服履舄靴襪等事曰司設監
掌御用車輦牀被褥帳幔等事曰內官監掌成造婚
禮粧奩冠舄傘扇被褥帳幔儀仗等事并內官內使
帖黃一應造作并宮內器用首飾食米土庫架閣文
書鹽倉冰窖曰司禮監掌冠婚喪祭一應禮儀制帛
及御前勘合賞賜筆墨裱糊書畫管長隨當差內使

八等出門馬牌等事并催督光祿寺造辦一應筵宴
曰御馬監掌御馬并各處進貢及典牧所關收馬驢
等項曰印綬監掌誥券帖黃印信選簿圖畫勘合符
驗曰直殿監掌灑掃殿庭樓閣廊廡監各有太監正
四品左右少監從四品左右監丞正五品典簿從五
品長隨奉御正六品凡門四奉天門午門端門承天
門掌晨昏啓閉關防出入各有門正正四品門副從
四品凡司二曰鐘鼓司掌奉先殿祭樂御樂并宮內

筵宴樂更漏早朝鼓曰惜薪司掌宮內柴炭等事各有司正正五品左右司副從五品凡局六曰兵仗局掌御用兵器并督造刀甲等及宮內所用梳篦刷牙針剪等物曰內織染局掌染造工用并宮內一應旣足曰針工局掌成造一應婚禮衣服并內官衣服等項曰巾帽局掌內官紗帽靴襪及賞賜帽巾等物曰司苑局掌宮內菜蔬并種田曰酒醋麵局掌宮內食用酒醋麵糖等物各有大使正五品左右副使從五

品凡庫三曰內承運庫掌貯足金銀珠玉象牙等物
并同司鑰庫管鈔曰司鑰庫掌內各衙門鎖鑰并收
藏鈔等物曰內府供應庫掌上用香米并內用香燭
油米及內宮飯食果木等物各有大使正五品左右
副使從五品東宮典璽局掌璽寶翰墨等物典藥局
掌監同御醫修合藥餌典膳局掌監造膳食典衣局
掌冕并冠帽袞袍裳服珮帶靴履等典兵局掌甲冑
戈矛弓矢刀劍等典乘局掌車馬各有局郎正五品

局丞從五品王府承奉司掌王府一應事有事呈長
史司并護衛指揮司發落與內官衙門無相統攝承
奉正正六品承奉副從六品典寶所典寶正典寶副
典膳所典膳正典膳副典服所典服正典服副品如
承奉正副內使凡十人司冠一人司衣三人司珮一
人司履一人司藥二人司弓矢二人各門官門正正
六品門副從六品公主府中使司司正司副雜職三
十年內府又置都知監銀作局

女官洪武五年上令定女職禮部具陳周制後宮設
內官以贊內治漢設內官一十四等凡數百人唐設
六局二十四司官凡一百九十人女使五十餘人皆
選良家子女充上曰古者所設過多至防女寵重法
將來命重加裁定遂立六局一司局曰尚宮尚儀尚
服尚食尚寢尚功司曰宮正俱正六品尚宮局總六
尚事凡出納文籍皆印署之如六局徵取外諸司尚
宮取旨署牒印付內使監監受牒移外尚宮二人掌

導引中宮總司紀司言司簿司闌之事司紀二人掌
印宮內諸司出入簿書文字司言二人掌宣傳奏啓
司簿二人掌宮人名籍廩賜司闌四人掌宮闌管鑰
女史六人尚儀局尚儀一人掌禮儀起居總司籍司
樂司賓司贊之事司籍四人掌經籍圖書教授司樂
二人掌音樂司賓四人掌朝見宴會司贊四人掌朝
會贊女史三人尚服局尚服一人掌宮內服用總司
寶司衣司仗司飾之事司寶二人掌寶璽符契司衣

二人掌衣服首飾司仗四人掌羽儀仗衛司節二人
掌巾櫛梳洗女史二人尚食局尚食一人掌宮內膳
總司饌司醞司藥司供之事司饌四人掌烹炮調和
飲膳凡進飲食先嘗之司醞二人掌醞司藥二人掌
醫藥司供二人掌給官人康餼薪炭女史二人尚寢
局尚寢一人掌燕寢總司設司輿司苑司燈之事司
設四人掌帷帳衾褥灑掃鋪設司輿二人掌輿輦司
苑二人掌種植蔬菜司燈四人掌燈燭女史二人尚

功局尚功一人掌督女工總司製司珍司綵司計之事司製四人掌裁衣服司珍二人掌珍玉寶貨司綵二人掌旣疋司計二人掌度支衣服飲食薪炭女史二人宮正司宮正二人掌戒令責罰之事女史二人凡女史各掌局司文案十七年更定品秩二十二年令六尚局官服勞旣多或五載六載歸其父母從宜婚嫁年高者許歸以終天命願留者聽其在宮闈及見受職者家給與祿視外品二十九年重定官秩職

掌如故

土官始於洪武七年西南諸蠻夷來朝貢者多因元
官授之稍與約束定糧徭差發曰宣慰使司十一曰
招討使司一曰宣撫使司九曰安撫司二十曰長官
司百七十三及府州縣正職幕屬並見夷官考番夷
都指揮使司三指揮使司三百三十五宣慰使三招
討使六萬戶府四千戶所四十一站七地面七寨一
宣慰使司宣慰使一人同知一人副使一人僉事一

人其屬經歷司經歷一人知事一人宣撫司宣撫使
一人同知一人副使一人僉事一人其屬經歷司經
歷一人知事一人安撫司安撫使一人副使一人僉
事一人其屬吏目一人招討司招討使一人其屬吏
目一人長官司長官一人副長官一人其屬吏目一
人蠻夷長官司長官副長官皆謂之上官附輯諸蠻
謹守疆土修其職貢其供其差發無敢携貳有相讐
者疏上聽於天子有流官者銓於吏部兵部又有蠻

夷官苗民官千夫長副千夫長百夫長軍民萬戶府
經歷司經歷知事並停銓司有儒學制如府

百官志附錄

吳元年選郡縣官三百三十四人賞綺布道里費及
其父母妻子有差著為令曰以養汝廉奉公無漁民
也洪武元年詔中書省自今除府州縣官賜銀十兩
布六疋徵天下賢才為守令厚賜而遣之三年上幸
後苑見巢鵲翼卯歎曰誰無母子今羣臣親老得歸

養是年賜朝臣袍帶賜廉吏嵩縣劉典史布帛擇文
儒性行清潔者充學官賜文武官朝服公服又賜冬
衣四年中書省上府州縣一千二百三十九凡官五
千四百八十八人令官吏犯賊者勿赦六年令京官
三十月一考考陞一等外官三歲一考考陞一階初
按察司舉察有司官七年汰北方府州縣官三百八
人增公侯伯都督丞相御史大夫等官祿有差八年
增尚書行省叅政公田祿各百石十年制賜百官公

田租充祿俸初給典吏俸有差是年併省州縣十一
年命考績殿最分三等稱職無過為上賜坐宴有過
稱職中宴而不坐有過不職下不預宴叙立於門宴
者出然後退廣西布政使臧哲母憂去賜米鈔令喪
去官並有賜十二年著令給丁憂官俸有差十三年
置判祿司頒臣戒錄上既誅胡丞相命儒士纂歷代
侯王宗戚文武官官悖逆不道者凡二百十二人為
是錄云詔復京官家勅守令恤民十四年詔有司遣

替閑釋放官赴京叙用之考覈殿最法禁有司差違
學官十五年賜六部尚書馬十六年廣東布政司請
慶賀班秩上曰禮行於藩司班以秩叙十七年吏部
尚書俞欽上更定吏員資格中薦冒濫考課失實之
禁欽上考績法著為令令面勿侵郡縣之職十九年
選應天諸府富民子弟補吏凡千四百人二十年選
南方學官有學行者教北方二十四年賜有司方面
官馬諭兵部試尚書茹璫曰布按二司官方面重臣

府州縣官民之師帥跨驢出入非所以示民或假馬
部民因被浸潤不能舉職甚乖治體其官為市馬司
二十匹府半之州縣又半之馬一率十戶食之歲一
更之儒學訓導位雜職上二十五年頒醒貪簡要錄
上以中外文武百司職名沿革品秩崇卑勲階陞轉
俸祿損益歷年屢更無示成憲於後世命侍臣重定
其制頒天下二十六年頒諸司職掌之學官考課法
初命儒學訓導冠帶上名吏部附選貼黃頒世臣總

錄二十八年頒祖訓條章勅禮部有言改祖法者以
奸臣論無赦是年罷百官朝參賜食二十九年始定
外官三年一朝觀三十年頒為政要錄三十一年定
吏員出身資格建文中更官制文皇盡復故惟存大
理寺仁宗卽位之歲命吏兵二部尚書蹇義李慶書
都布按三司官姓名履歷於武英殿西序曰皇考嘗
書中外官姓名於武英殿南廊便覽觀也宣德五年
五月令追奪賊官誥勅七年大學士張瑄乞增南北

兩京品以下官俸正統元年副都御史吳訥言洪武官俸全支後因營造減省遂為例近來小官多不能贍如廣西道御史劉準由進士授官月支俸米一石五斗不能養其母妻子女貸同道御史王裕等刑部主事廖謨等俸米三十餘石去年病死竟負無還乞下廷議增俸國初阜隸力役當是時百官俸全支已乃折鈔鈔法不行小臣不能給遂有柴薪之名徵其銀月一兩宣德中都御史顧佐以柴薪事被

訐上問楊士奇對曰京官月俸一石薪炭馬芻咸資
皂隸遣半取直籍其用彼得歸耕人情為便京官皆
然臣亦然自是遂為例巡撫官者永樂間設於要害
處洪熙宣德初年添設漸多用都御史侍郎通政卿
丞景泰中悉用都御史叅贊軍務者始於洪熙元年
以武臣疎於文墨選方面官於各總兵處整理文書
商確機密遂名叅贊叅謀軍務總督邊儲景泰中大
同叅政丹陽沈固宣府叅政崑山劉璉山東叅議會

積周順廣西副使劉紹如劉清輩又以郎中給事中
稱叅贊軍務也景泰元年御史張子初等言洪武永
樂間方面郡守缺聽吏部推訪內外官賢能而又久
於其任者請授御史有缺從吏部於進士監生中選
用宣德中始有會官舉保之例行之既久奔競成風
所舉非人况御史若從大臣舉保得任大臣有過彼
必鉗口卷舌而不言大臣有囑彼必俯首帖耳以聽
命願停保舉之新例而復洪武永樂之舊制下禮部

會議僉曰御史言是制曰可御史練綱亦以為言三年冬吏部尚書王直何文淵言洪武永樂間銓選專隸吏部宣德正統以來始令大臣舉保景泰初御史陳綱等言保官徇私廷議奏允仍歸吏部今綱等又言吏部選授私姪請復行保舉臣等謹議上繼今方面府正員缺吏部具奏移文各該保官大臣書所保姓名材行歷官緣由奏下部銓制曰朕期方面郡守得人共安養天民今大臣舉保吏部推選已乃彼此

相蒙官不得人民其奈何今後惟布政使按察使缺
令三品上官會保餘還吏部訪求未幾吏科都給事
中林聰復以為言著為令四年御史左鼎言國初建
官有常近年因事添設甚至一部有兩尚書而為侍
郎者倍於原額為都御史者率以數十計在外添設
撫民管屯等官如河南參議二員今則添而為四僉
事三員今則增而為七若夫巡撫鎮守之官則尤有
可言者方岳各司十餘人不為少矣每歲又差御史

巡視立法可謂詳矣不擇方面以責成不選御史以督察乃復設官以巡撫鎮守今之巡撫鎮守往往多出於方面御史則今之方面御史蓋亦他日之巡撫鎮守也豈有為方面御史則合衆人之長而不足為巡撫鎮守則任一人之智而有餘耶乞將內外官凡非洪武之舊者叅酌裁罷庶民力可紓國用可省委任專而事功可立七年春令吏員冠帶引入內府會官考試成化中太監張敏死姪太常寺丞苗傾貲獻

上乞侍郎上曰苗本由承差若侍郎六部執政不可
可授南京三品左右急持官制請上竟得南京通政
使是時四方白丁錢虜商販技藝華職之流以及士
夫子弟率黃緣近侍內臣進獻珍玩輒得賜太常少
卿通政寺丞即署中書司務序班不復由吏部謂之
傳奉官至於閣老之子若孫甫髫髻已授中書冠帶
牙牌支俸給隸但不署事朝參大抵多出於梁方之
門弘治間馬文升言京官額一千二百餘人今傳奉

官八百餘人內實支薪俸者九十一人冗官莫甚於
今日請因災汰罷正德間亦有附權倖得文階者嘉
靖初盡革諸傳陞乞陞官嘉靖八年又裁冗官二千
員近日南京六部正貳卿往往停推土木之役起匠
人而官至九卿者諸富人貴游子猾吏竄名營建籍
中得官者不啻幾千人

洪武二年令功臣子弟入學初製鐵券三年存恤先
鋒府十元帥府戰沒將校家之五等勲爵之武臣世

襲之制四年禮官崔亮定外官慶賀禮以武臣為班
首五年申定武選法作鐵榜申戒公侯六年定教練
軍士律是歲計武官一萬二千九百八十八人擇
功臣子耿獻等一百四人為散騎舍人十一年選武
臣子弟入國子學讀書十四年令公侯武臣皆遣子
弟入國子學受業二十一年頒武臣大誥人頒八條
勅諭武臣又頒武臣訓戒錄又賜武臣保身勅二十
二年禁武臣預民事二十三年賜公侯伯屯戍百戶

二十六年頒稽制錄於諸功臣二十九年大賚致仕
武臣各陞一級銓於甘肅大同北平大寧遼東諸衛
所凡千五百人永樂元年冬定軍功襲替例自後洪
武永樂宣德年軍職絕不論堂兄弟姪並襲成化十
七年以都御史何喬新言凡軍職絕非立功人子孫
不得襲弘治十八年又稍許立功人親姪孫已襲者
得沿襲正德十四年兵部尚書王瓊又請堂兄弟姪
並得襲十六年兵部尚書彭澤言瓊議非是復不許

襲會兵部火庫失職者流言得復襲嘉靖十年兵部
尚書王憲曰不可稍酌議立功人絕同時親弟姪得
襲其姪孫以下及堂兄弟姪除親祖例前相沿人自
立有軍功者扣襲其無功姪孫以下至堂兄弟姪等
及沿襲後別無立功者不許襲旁子孫革職者俱收
總旗天順成化及弘治初年錦衣指揮門達索斌朱
驥等提督緝捕每至十年或十一二年方一類奏下
兵部定議陞賞陞者不過五七人多止十人賞或以

布絹鈔錠無功者撻而斥之已而有等獲妖言陞襲
一輩之例於是人競貪功肆行羅織弘治十八年特
詔嚴禁正德元年錦衣指揮趙鑑葉廣東廠太監王
岳鄭旺一時更代不及數月官校四奏陞賞正德二
年又復類奏已而奸倖相繼用事廠衛無賴之徒鱗
集蟻附辦事之員日增獲功之奏漸數始則三年一
奏或二年一奏後至一年一奏或一年兩奏遂有年
終類奏之名往往以妖言為首張皇賊狀無非倚撫

之詞連署姓名不辨獲功之數含糊奏請朦朧擬陞
奏一人則陞一人奏百人則陞百人市井庸流立升
朝籍權門厮役驟至顯融且其假種妖書陰為陷穽
買同番手誣執平民加以酷法慘刑煅煉成獄凡經
嚴衛奏送法司莫敢平反弘治元年孝宗有拏獲妖
言不陞止照成化十四年例給賞之旨今一切撓寢
矣大抵正德年間軍功冒濫其弊有三奏帶越額也
紀驗失實也選法變亂也以故寧夏陝西甘涼大同

應州雲貴江西湖廣山東河南虜賊之後陞擢極濫
嘉靖改元詔革罷凡三千一百九十九人而在外者
又倍之殆不止於厥衛也若乃流官不許世襲署職
止加實授今則流官以流得襲署職以署遞陞甚至
納粟虛銜遂以軍功累授已而諸所革者往往得復
官矣

石邑書曰吾觀百官志而知高皇帝之制度既盡
美而又盡善也國初之設官分職其辰居星共則準

諸天其分據要害則法諸地其斟酌繁簡則取諸人
故其立法之精真可以考三王而俟百世者也 讓
皇帝與方孝孺輩稍事紛更不能深求其精意而徒
變置其名號分位紊亂未久旋致滅亡 文皇帝力
除新法悉復舊章凡建文時所朝更而夕改者一切
罷除始稱畫一由是觀之變古亂常者之釀亂若彼
憲章祖述者之致治若此則祖宗之成法斷不立更
而讓皇帝之前車後人當知鑒戒矣